



OL 31510.53.5



HARVARD
COLLEGE
LIBRARY








تاریخ
۱۳۱۳
۱۳۱۴

گل نهای



تبارو

بش فصل التي پرده



اثر

نامق کمال



در سفارت

سازمان بازرسی باقر جبار قارشو سنده (۴۷) نومرو اولو

مطبعه ده طبع اولنشدن

02 31010.000

Kemal

اشخاص

قپلان پاشا سنجاق بكي
مختار بك قپلان پاشا عوجه زاده سي
حلمي افندي حاكم

زينل بك وجوه دن مختار بك ارقداشي
شمس الدين بك وجوه دن
« بهرام بك
« سنان بك
« بخيري بك


قره ولي پاشانك دائره بي محرم لردن
ذوالفقار انا تفكجي باشي
رضوان زندانجي
چاقر مزارجي



اجالدين
. حاجي خسرو
. راشد
. سليم
» جاقفو
» مستان
» بر اختيار

باشو خانم قپلان پاشانك والده سي
عصمت خانم قپلان پاشانك ومختار بك

ءوجھسى قزى
كل نھاك عصمت خانمك داديسى
بذكار قپلان باشانك جاريهسى
اهالى - برقادين - ايكي چوجتن - جلادلر - جاريهلر .



کلیں نہاں

تیارو

یش فصل . الٹی پردہ

برنجی فصل
(برمزین اوٹھ)

برنجی فصل

عصمت خانم - کل نہال قالنہ

کل نہال

قرم ! ینہ سویلرم . مختار بک جاتی صافنس . صاقمزہ
الذن کیدر . والله کیدر . بالله کیدر .

عصمت

قادین سن چلدر کمی ؟ بن دھا دون قونقده ایدم .
خانم افدینک فرح یوزندن ایتوردی . دوداقلری استر
استمز گولیوردی . کوکلی تقدیر راحت ایدی گورمدکی
اوغلی تقدیر فرحده . نہ قدر صفاہ ایمش برر برر
سویلیوردی اشتمدکی ؟ مختارک جانہ قیہ جقار دیورسن .
جانہ قیہق استیانارک چہرہ سی اویاہ گولنج . اویاہ
یشاشتی طوررمی ؟

کل نہال

اویاہ طورر خانمجم . اویاہ طورر . بن عرمک
اون بش سنہستی اوقوناق دیدیکاک اجل قضا مزارلغندہ
کچیردم . طاملایہ طاملایہ طاش دلن صولر کچی بو قالن
ققہ بہدہ گورہ گورہ جوق تجرہلر یر ایتدی . بونلر

سنیل کبیدر قزم ! ساکن گورندکری وقت قورق -
 طوقندقاری اوی تملندن یقارلر . بونلر جنوار گبی درلر
 ایکی گوزم ! گولر گبی دوداقاری اچیمغه باشلادیغی
 زمان صاقین . ازی دیشلرینی یاننه واردقاری ادمک تا
 یورکنه صاپلارلر . بونلر ییلان کبیدر افندیجگم ! رنکارینه
 اللدانه . کیمه سورونورلر سه زهرلرینی تا جاننه دوکرلر -
 زواللی چوجق ! انلرک سن یوزینک شناگنه . پارلاقغنه می
 باقیورسن ؟ او بر دوزگوندر . اوزاقدن سیر ایت -
 سورونورسهک آغزک زهرله طولار . او بر علودر . یاننه
 یاقلاشمه ، طوقنورسهک وجودک یانار . . . کل اولور -
 سن پاشو خانمک گولدیگنه می اللدانیورسن ؟ او انسان
 قانی ایچرکن . . . انسان جگری یزکنده گولر . سن
 یاننده کیلرک طانلی سوزلرینه می اینانیورسن ؟ انلرک
 کوکلرنده جهنم اتشی قینارسه ینه یناقلرنده کللر اچیلیر -
 قوناغک حالی شوقرانلق کیجه یه بگزر . سن هر طرفنی
 ساکن . — هر طرفنی امین صانیرسک . گوزلر نره یه
 باقسه برشی گورمن . قولاقلر نره دیکاسه برشی ایشتمز -
 لکن ایچنده بر وقت زهرلی عقربلر . — قودورمش
 کوپکلر . هر حتمسز قاتلر اکسک دکدر . شوپنچاره دن
 باق . قوناق گوزینک اوگنده طور یورده ایچنده هیچ
 جلا ددن . زنداندن برشی گوریورمیسن ؟ ایشته ایچنده کیلرک

طاش يورگيدە او قوناغڭ حالى گوجامشىدەر يوزنرینه
 نە قدر دقت ايتسەڭ گوكالرندهكى غرضدن . خيانتدن
 اثر گورە مزسین . بو ظالمار مزار گې دنيا اياه اخرت
 ازەسنده بر ير طوتمشالر . ديشلارى چيچكار ايجنده
 كورينور . ايجلرى اولوم طوليدز .

﴿ عصمت ﴾

دادى صوص !

﴿ كل نهال ﴾

سن دها دنيايه گمامشديك . اقريا گزردن على بكتك
 شوميدانده بويتنى اورديلر . حالا كوزمك او گندهدر :...
 قانى قانياه قانياه ايكي قارش هوايه فرلايوردى . قوناقدە
 كىلرڭ يە فسقيه سيرينه چيقمش كى عفالرندن .
 فرحارندن طورلميوردى .

﴿ عصمت ﴾

دادى صوص ! يوره كم صيقليور .

﴿ كل نهال ﴾

سن دها برياشنده ايدك . كوچك قرداشى قهرمان
 بكي شوزندان قپوسنك او گنه اعدبلر ، هيچ عقلمدن
 چيقمز . زواللى دلى قانلى ! اپى قوبارمق ايجون اللرىنى
 بوينە اتدیده هپ طرفلر ياه شاه طمرلر ينى قوباردى .
 يە قوناقدە كىلر صالحىنچق صفاسى ايدر كى اكنيورلردى .

﴿ عصمت ﴾

دادی عوص ! یوره کم حقیلیور دیسورم . بی
چا دیرده جقمیسین ؟

﴿ گل نهال ﴾

سن یکی سوددن کسامشداک . مون بورایه کلن خانمک
باباسنی بیگ حیاه ایاه قلعه یه الیدار . یمن اتدیله . قایچ
آنلادیلر . قان یلاشدیله قرداش اولدیله . یمکه چاغردیلر .
عشرتی خلایقاره طاغتدیردیلر . بنده ایچلرنده ایدم .
بربرلرینک قلنه طوقونمات ایچون یمن ایدرکن برچمت
قورشون الننه برچمت قورشونده کوکسنه اوردیلر .
زواللی شهید ! یاره لی ارسلان کبی ایچاغنه صارلدی . بر
آتشده اوطنک اورتیه برینه قدر فرلادی . فرلادیغی
رده جانسز یقلدی . حالا خیالی هر کیجه اوقیافتله
قوناغک اوطنلرنده طولاشیور . ینه قوناقده کپلر جنبشاریجی .
آه-کلرینی بوزمدیلر .

﴿ عصمت ﴾

دادی دها سویله جقمیسین ؟ بایله جقم !

﴿ گل نهال ﴾

دایگی بو اوک اوگنده چنکله اتدیله . هر چنکک
یلشدیکی یردن دوکولان قانلر اثوانسک اوزرنده طوکشار-
دیده بیچاره نك وجودی چیچک آجش لیلایق اغاجنه

بگزمه مشدی . ینه قوناقدہ کیارک گولشاینه . اکناشارینه
باقسنک بهارده مهتابه چیقمشار صانیردک . بن دها اویاه
خانناکار . بیلیرم که تعریفی مشکل . اشته قزم ! بونار
بویاه گولرلر . اوینارلر . بویاهده آدم یرلر . قان ایچرلر .

﴿ عصمت ﴾

های مصیبت باقوشی هانکی ویرانه دن چیقدهک
مزارلقدہ می اوتیورسن ؟ اغزک قپانسون . سکا صوص
دیدم . ایشتمدکی ؟ ذهنمی اولولرله طولدیردک . وجودیمی
طابوت صانیبورم : قورقومدن اوستومه گوز
گزدیرد میورم . بندن نه ایسترسین ؟

﴿ کل نهال ﴾

راحتکی . صاغانکی ایسترم . قزم ! سن دها بنم
حالمی بیلمزسن . آه ! بو قدر سنه در دردی گوکلده
صاقلیوردم . درد صاقلامق نهدر ؟ بیلمزیمسن ؟ هیچ
گوکانده درد صاقلادینگ واری ؟ ینه الله نه درد
ویرسون . تده صاقلتسون . انسان گوکانی بر کیمسه به
آچارسه ایچنده کی غلرک هر بری بر پارچه اتش اولیور .
هر یاشدینی بر داغ آچیور . هر اچدینی داغده
براتش علولنیور . باق ! دها لقردیلمدن قورقیورسن .
یا گوکلی کورسک ؟ نه یاپه جقسن ؟ بنده ممالکتم ده
سنک گبی بربک قزیدم . بنم سنک گبی . ساطتم قوناغم .

خلائف خدمتکارم واردی . بنده سنک گبی بر بک
 سوردم . پلیرمیسک نصل سوردم ؟ سنکده باشکده .
 سودا وار . سویارسم باک اگلارسک . انسان بهارک
 زیانتی ... گون باایسنک محزونلغنی . صباحک روحایتی ..
 ماہتابک صفاسنی نصل سور ؟ یکی طوغورمش انالر
 چوجفنگ ائ اولکی گولشتی . بابادن یتیم قالمش چوجقارینه
 سنک ائ التمانلی لقردیسی نصل سورسه بنده بکمی اوله
 سوردم . آہ ! اولہمی سوردم ... نصل سو دیگمی بر
 درلو تعریف ایده میورمده مناسبتر مناسبتر شیاره
 بگذر دیوردم . اوله سوردمکه یانمه کلدیکجه عمرمک
 صفاسنی .. دنیا لذتی جانلانمشده اطرافده طولاشیور
 صانیردم . یوزینه یاقدقجه بتون بتون کچردم . دنیا گوزمک
 اوگوندن چکلمکه باشلاردی . وارلنم ... وجودم ارادن
 محو اولوردی . گوزمده ... گوکلده ... یانمده ...
 جانمده یالگمز بکم قالوردی . آہ ! قهر اولسونلر . انکده
 دشمناری واردی .. انکده ائ بیوک دشمنی مختار بکاک
 دشمنی گبی اقرباسندن ایدی . عمرنده بر کیجه فرصت
 بولوبده یانمه کلهجک اولدی . ملعونلر کیجه کلدیار ...
 قوناغی باعدیار . بکمی یانمندن ایردیار ... گوکلدن
 قویاردیلر .. گوزمک اوگنده یارملدیار . انک وجودینه
 بر بچاق اوردقجه نم جانمده بیک یاره اجیایوردی

نه طالعمزوم که او دقیقه اولوبده اخرته بکمه برابر
کیده مدم . الله ایکیمزه ير آئنده هجراننر بریتاق نصیب
ایتمدی . . . گیره جگمه بایشم .

﴿ عصمت ﴾

زوالمی دادیجغم .

﴿ کل نهال ﴾

گوزلرمی آچدم . کندمی کیده . . . انیمی ایانغمی
زنجیرده بولدم . مکر بکمک جاننه قیاس ملعونر بنی ده
اسیر ديه جلاد جهردلی بر حریفه صاعشار . دکزک
طالغعلری کوی به طوغری یغیلوب کلدکجه صانکه بر
منارلق یرندن اوینامش بنی ایچنه المن ایچون چالقانه
چالقانه اوزریمه آئیایوردی . . چونکه بکم مزارده ایندی .
زهنمده اولمکدن بشقه برارزو بوله مدم . چونکه دنیاده
بکمه بنی برحاله گتیره بیه جک بر اولوم قالمشدی . کندیمه
اک یقین اولوم دگزی بولدم . انلرمده کی زنجیری دیشمه
کیرمگه باشلادم . بن نه قدر چارپندم . . . نه قدر چبالندمه
اسیر چیلرده او قدر دو گدیار . بر وقتار طیساق اتنده
اولمکی ده جاننه منت بیلدم . انلر دو کدکجه چارپنمقدن
چبالامقدن گیری طور مدم . عاقبت ازیتدن طاقم کسادی .
وجودمک صعیفاسکی جانمده ده قوت بر اتمدی . کاه اغلادم . . .
کاه بایلدم . کاه کندمی غیب ایتدم . نهایت ازیتدن ازیتده .

طياقنن طياغه . حتمارتدن حتمارته . . . بلادنن بلايه
 دوشهرك بورالره قدر كلدم . دنيانك بيك درلو فلاكتي
 گوكله برقاتيلق كتيرمشيدى . ايجندهكى ياره لر كيده كيده
 قابوق طومتغه باشلامشدى . خيبر طور دقچه نصل اكشير
 گورسهك وقت كچدكجه گوكلده اولان كدرده اويابه
 طبيعتنى دكشديرمش بتون بتون كينه . . انتقامه تحون
 اتمشدى اليمدن كيلانى ياددم . قوناغه حسانلديغمك اون
 بشنجى گونى بنى بورايه كتيرن اسيرجينك گوزومك
 او كنده بوينى اورديردم .

﴿ عصمت ﴾

آه ظالم ؟ اوزواليدن نه استردك ؟

﴿ كل نہاڻ ﴾

نهى استردم ؟ قزم ! سن اسيرجى نه در بيلمزسين .
 النده ايكن اوقدر اذيت التده ايدم كه يدى اى كندمى
 اولديرمگه بياه ميدان بوله مدم . . . سبب اولوبده دو كدرديگم
 قان يوقى ؟ هرگون بنم گوزمدن علوطمله لرى دو كيليردى
 ينه اوقانك صغوق جهنمك دره لرى گي بر دقيقه بوزى
 چوزلمزدى . هرگون بنم اغزمدن اتشار صاحيليردى .
 يته اوقان خيئتك طمرلرنده مرجان دالى گي طاش كسيابر
 طورردى . بيلمزسين دشمن قانى قزقين قزقين كوپوكلر
 صاحجزق آدمك اباغنه طوغرى دوكلديكى وقت نه قدر

لذتلی سپر اولنور ! . الله ينه اولذتی سکا بیلدیرمسون .
 انسان بر کره قانه الشدیمی ؟ کوکلنک هر پاعنی قانه
 بیقامتی امتیوو . . . ایشته بن . . . بن اسپرچی بی
 اولدیرتد کدنصکره جادی کبی انسان قانی کورمکدن .
 انسان لاشه سی قوقلامقدن بشقه برشیدن لذت المز اولدم .
 پاشالق قیلانک باباسنده ایکن حرمده قان دوکیله جک
 ایشاره بدن زیاده محرم کیمسه یوغیدی . بورایه کلدیکمده
 باقه . کادم داییک اولومنی حاضرلمغه کادم .

﴿ عصمت ﴾

شمدی دایمک اولومنه سن سبب اولدک اولیله می ؟

﴿ کل نهال ﴾

آه دایک بی دکلبه . بنم سوزمله ایش کورسه ایدی
 بوکون قیلانک یرنده اوطورردی هیچ بن دایکک هلاکنده
 سبب اولیدم نهک بردانه جک قزینی بنم الیمه تسلیم ایدر -
 میدر ؟ رحمتلی بردقتلی خانم ایدی . ایکی کونک ایچنده
 کوکلک پرده لرینی برر برر آچمش کبی اعل طیبتمی
 اکلادی . خائلكمک صگره دن کله برشی اولدیغیغیده
 بیلدی . انسانک بضیسنده برحال اولور ارسلانک یانه
 کنسه آو کوپکی کبی حکمنه البرده قولاغنی چکر .
 اوستنه بنر . هانی کچن سنه بورایه کلان دلی قانی فرنیکی
 اونوتدکمی ؟ ارسلانلری نصل ضبط ایدیوردی ؟ اشته

نہ گدہ اویاہ برحان واردی . یوزیمہ محزون کوزلریاہ باقہ
 باقہ کو کلمدہ کی یارہ لڑتون بتون قورومغہ بلشادی . طبیعت
 برندن اوینادی . کوکگہ مطلق برحبت لازم اولدی . بکا
 بکمدن صگرہ دنیادہ کیمسہ بی سومک ممکن اولمز صانیرکن
 نہ کی سومیہ باشلادم . ازان بر بلا یہ دوشدییکی زمان
 امدادینہ بری یتشہ نہ قدر سور ؟ بن دہ نہ کی اوقدر
 سوردم .

نہ کک خدمتہ کیردیکم زمان کوکام ہم کندی ینار
 ہم دنیایی یاقار یراتش کبی ایدی . او اتشاری ہب نہ ک
 سوندردی . کوکگدن او عذابلری ہب نہ ک قالدردی .
 بیچارہ قادی بن بکمی اگدقہ او صباح بلوطی رنکنندہ
 مائی یوزلرندن چی دانہ لری کبی یاشلر دو کردی . وجودم
 قیشدن قورتلش اغاج کبی یکیدن جان بولوردی .
 بیلر میسن انسانہ حالتہ اغالار برادرم کورمک نہ بیوک
 تسلیدر

﴿ عصمت ﴾

بنم مرحمتلی نہ جگم بنم زوالمی دادینجغم نہم اولدی
 ایسہ بن طور بیورم بن دہ سنک ایچون اغلیورم .

﴿ کل نہال ﴾

چوجوق بنم ایچون دکل سنک دنیادہ بر شی ایچون
 اغلادیغنی استہم . تک بنم جگر لرم پارچہ پارچہ اولسون .

گوزنردن دو کولسونده سنک کوزگدن برطمله ياش
اقسون .

عصمت ! بيلمزسين که سنی فصل سورم ؛ بن دها
ماکتتمده ايکن اللهمدن سنک کبی شاهين کوزلی . عاشق
باقشلی . شفق چهره لی . سحر گواشلی . غنجه آغزلی .
بلبل صدالی بر چوجوق نیاز ایدردم . بو امیدیمی بکمه
اولان محبته ن زهنمدن بر دقیقه ایرمزدن نهکک اغزندن
چوجوق سوزینی ایشتیگم وقت گوکلده نهقدر حس
وارسه یرندن اوینادی امیدلرم تازدلندی .

دها من انانک رحمنده ایکن زهنمی بتون بتون
خیاک بوریدی . آه اجل بکمه ارامزی ایرمه ایدی
بنده او وقت برچوجغم اوله بیایردی . الله سنی ویردی .
بزم نهکله ذاتی وجودمن ایکی ایسه قلبم بر ایدی .
کندی کندیمه دیر ایدم که « حقک بزده احسان ایندیکی
چوجغه نههسی رحمنی بشک ایدیورسه بنده قوجاغمی
صالحق ایدرم . خانم سود ویره جکسه بنده جان ویریرم »
غنجه طومروغنی کبی دنیا به کلدک ابتدا بنم نفسمله آچلدک
ابتدا بنم یوزمه کولدک . بوخائلر دایکی قابوده نهک
کدرندن حمی اتشاری ایچنده یانه یانه اخرته کستد کدنصگرم
سن اولورسهک بن بودنیانک عذابنی چکردم . ایکی
گوزندن محروم اولوبده بالکنز خیال ایله یشایان بیچاره لر

گی بکماہ نہ گدن ایریاهلی یالگنز سنک ایاه یشایورم
 عصمت ! عصمت ! بکا برکنناد ایشلمکی امر ایته .
 بالله آئیده یاپارم سنی دنیاده راحت یشاتمی ایچون
 اخرتده جهنمدن هیچ قورنلامغی گوزمه الیرم . اللهاه
 عهدم وار . سنی برشی ایچون محزون ایتمگه . سکا بر
 وقت بلا یوزی گوسترمگه چایشه جغ . نهک اولورکن
 باش اوجنده یمین ایتم

✽ عصمت ✽

آ دادیجغ ! هم سنی محزون ایتمه جکم دیورسن . هم
 اقشامدن بری اغزگده اولومدن هجراندن بشقه برشی
 یوق . اولومی اویاه تصویر ایدیورسن انسان مزاردن
 چیقسه اوقدر اپی بیلمز . محبتی اویاه تعریف ایدیورسن که
 بو یانق زمانده گوکلک دیلی اولسه اوقدر تاثیرلی
 سویلیه مز . بتون سکیلرم یرندن اوینادی شمدی
 بکره کلهجک نبی بو حالده گوررسه نه دیر

✽ کل نہال ✽

بکمی کلهجک یارب سن حالمزه مرحمت ایت اواجانه
 عاشق اولمش حیاتک علیهنده بولنیور .

✽ عصمت ✽

قادرین ! نیچون بویاه مشؤم مشؤم لقردیله
 سویاه یورسن ؟

« کل نہال »

آه ! چو جوق سن حالا بو دنیایی سیریری ظن
 آیدیورسن . محبت گوکلکی صارمش گوزلرینی بورومش ،
 نه طرفه باقدهك كوله جك . اكلنه جك شیلر گوریورسن .
 مختار بك طبقی ارسلان طبیعتده . قارشیدسنده کینک ییلان
 اولدیغنی هیچ دوشنمیور . اوزرینه صالنه صالنه گیدیور .
 ییلان ارسلاناه پنجه لشمکه کلز . اوزاقدن اوستنه اتیلیر .
 دنه صاریلیر کیمکلرینی قیرار .

قزم ! قوناقدہ مختار سوزی کھیور . آدینه فقرا
 باباسی دیورلر . بوخائلرک بئنده فقرا باباسی قتلنه حکم
 اولنمش ادم دیمکدر . بیلورمیسن . سن قوناغه کیتدجه
 اوراده کیلرک یوزی کولیور . کولدکجه یورکلرنده کی زهر
 دوداقلرندن دوکیلیور آنی بن کوریرم ؟ . آه !
 یردرلو سزه مرام اکلاده میه جغم مختارده دابک
 کبی کندینی تاف ایده جک . سن ده ننهك کبی عذابلر .
 ازیتلر ایچنده هلاک اوله جقسین . بنه اصل نه اولورسه
 یکا اوله جقدر . بکمک محبتی یوره کده بریانغن یری کبی
 قالدی . نه کلک خیالی زهنده صولمش کله بگزه دی .
 دنیانک جفا سندن کوکلکم پاره لنه پاره لنه توکندی . جانم
 اوزیاه اوزیاه محو اولدی . هپسنگ یرینه یالگن سن
 قالدک . شمدی کندیکی هلاک می ایده جکسن ؟

﴿ عصمت ﴾

دادیجغم ! شمدی نه یاپه بیلیرم ؟ بکی بن چاغرمدم .
والله بن چاغرمدم . کندی کلجکم دیه خبر کوندرمش .
نصل اولمز دیهیم . اکا جانمی طیارکم ؟

(کل نہال)

آقزم ! برکیجه کورشامکه قاتلانہ میورسن ده قیامتہ
قدر ایریلقدن قورقیورمیسن ؟

ایکنجی مجلس

اولکیلر — برجاریه

﴿ عصمت ﴾

(جاریہ نہ)

تدر اوقز ؟

« جاریہ »

بک افندی کلدی .

(عصمت سوینہ سوینہ قپوبہ طوغری قوشار)

(کل نہال)

آه ! چاره یوق قدر یرینی بوله جق . بیچاره سوینہ
سوینہ قارشیلغه قوشیور ! اللهم بوقدر بی کتناه قولارکه
مراحت ایتده بنم کوکلی . بنم زهنمی یلانجی چیقار .

اوچنچى مجلس

عصمت خانم — كل نهال قلفه — مختار بك

« مختار بك »

عصمت ! كيفكمى يوق ! يوزينه بر محزونلىك چوكمش .
دوداقرزنده تبسم عاريت گنجي طور يور .

« عصمت »

خير بكم ! بر شيمم يوق . دادم سزك ايجون بر طاقم
مخاطره سويلدى ده سيكر ليمه طوقندى .

« مختار »

بنم ايجون مخاطره لرمى سويلدى ؟ الله ! الله ! سن
داديبك سوزلرينه مى باقورسك اقدام قادين يورده كى دائما
ضعيف اولور ضعيف يور كده دائما قورقه ياتار . بن بوراده
الهممه . قديجمه طيارم اويلاه طور يور . كيمسه نك بر
قيلمه طوقتمق حدى دكلدر . بابامك قانى طمر لرمده .
سنگ محبتك گوكلده ايكن قورقور بايكه ارسلانك گوكلده
گيرر . بنم قلمه كيره جك يول بوله من .

[كل نهال]

آه بكم ! بنم يورده كم او قدر قاتيدر او قدر قاتيدر كه
اولادك دنسگره كوكمى چيقارسه گنز بلده بر قديج
دو كديره بيليرسگنز . اولومدن قورقيان برشيدن قورقاز .
دنيادده بنم قدر اولومدنده قورقاز كيمسه يوقدر .

حالمی بیلمز سگنز بکا بر ساعت شامق بر هفتہ جان
 چکشمکدن ازیتلی کایر . بن قورقویورسہم سزک ایچون
 قورقویورم . گوزیکیزی بر طاقم خلیالر باغلامش .
 کادیگکز یرلری طوغری یول صانیورسگنز .
 بیلمیورسگنزه اوگنزدہ اجل طوزاقبری قوریایور .
 غیا قویولری قازیایور .

(مختار)

عجایب شی ! بن کیمہ نہ یادمکہ اوکمدہ اجل
 طوزاغی قوریہ جق ؟

(کل نہال)

کیمہ می نہ یادیگنز ؟ بوندن اول بدریکنز مملکتہ
 حکم ایدیوردی . بوندن صگرہدہ سز حکم ایده بیلیرسگنز .
 خلق سزک عمرگنزه دعالر ایدیور پاشا نیچون اولومگنزه
 چالشمسون . دہا سویایہ می . سز انکله اک بیوک
 ارزوسنک ارسنده بر سدسگنز . وجودیکیزی دنیادن
 قالدیرمق ایستہ مزده نہ یاپار ؟ حریف عصمتی سویور .
 عصمتی الہ جق . اگلادیگنزی ؟

(عصمت برصدای نفرتاہ مندرہ یقیلیر)

« مختار »

(عصمتک یانہ قوشہرق کل نہالہ نہایت درجہ حدتاه)
 نہ سویلدک ؟

❖ کل نہال ❖

سزک سودیگنژ کجی سویور دیورم . کوپک
 طاوشانی نصل سویورسه اویله سویور . طوته جتی
 کدکارینی قیراجتی . قاتی یلایه جتی . قصاب قیونی نصل
 سویورسه اویله سویور . جاننه قیاجتی . اتی صانه جتی .
 یوگندن پاره قزانه جتی . اوشمدی ایکی شی دوشونبور .
 بری سزی تلف ایتمک . بری عصمتی المق . اووقت بو
 مالکتی ایستدیکی کجی اسیرایدرد . اووقت بتون خاندانگنژک
 مالی اکا قالیر . اووقت طپراقلر طویوره سی کوزلری
 بلکه طویار .

(مختار)

(آجی آجی گوله رک)

شوسرسمه باقی :

« کل نہال »

بکم ! او قدر کندیگه گوکنمه . سزک کوکلنده محبت
 وار . الیرک ازسلان پنجه سی . وجودک یلدیرم علوی
 کسلمش . دائماً اچیقندن اوغراشمق استیورسن . دائماً
 میدانده دوگشمگه چالیشیورسن . انده ظالم سوداسی
 وار . اقبال دلیاکی وار . مال طمعی وار حسد علی
 وار . کین بلاسی وار . النده کنی غیب ایتمک قورقوسی
 وار . عصمتی لندن الوبده سنی کدرگدن اولدیرمک

خلیاخی وار . بوحسار گوکلنده یدی باشلی بر اژدره
 کسامش کیمی صوقار . کیمی ایصیرر . کیمی یوتار .
 کیمی صاار . کیمی قوپارر . کیمی اورر . کیمی زهیرلر .
 بوقدر قوتاه اوغراشلمز بوقدر خیانتله باشه چیقلمز .
 بکم ! کندیکی صاقین بکم ! عصمتہ مرحمت ایتدم
 احباطلی طاوران .

﴿ عصمت ﴾

قادرین ! او کوپک نیم بکده نه یاپه بیه حکمش باقی
 بنیمی آیرمش . جنازه می آیر .

(کل نہال)

بککله سنک جنازه کی المقدن بیوک دها نه یاپسک ؟
 « مختار »

عصمتجکم سن هیچ فراق ایتہ ! کسوب اندیغیز
 طارناغه بیه طوقه مز ،

(کل نہال)

کسوب اندیغیز طارناغه نیچون طوقونسون ؟
 وجودیکیزک ائک جان اله جن طرفه طوقور .

﴿ مختار ﴾

(حدتاه)

نه یاپار

« کل نہال »

(حدتاه)

اولدی رر

مختار

به قادین ؟ خلقی هیچ دوشونمورمیسن ؟ شمدی هر
کسک بکا نه قدر محبتی اولدیغنی سن سویلیوردک

کل نهال

(آجی آجی گوله رک)

خالقی می ؟ . . اوسزه قیقم استینجه حلقک اورتیه -
سندهمی تلف ایدر ظن ایدرسکیز ؟ بزچوق دفعه کنسینی
سودرمش بکلر گوردک . ضیافتلر اره سنده . مشورتلر
ایچنده پارلدیلر . خان بعضیسینی اولور اولمز اونوتمدی .
ارامغه قالقشدی ارایانلرک اوزرینه بکلرینک باشنی آتی
ویردیلر . ارقه سندنده بر قاج کدسه التون سرپدیلر . بکی
ارامغه کلنلر باشی براقیدیلر . التونی قاپشمغه باشلادیلر
ایچلرندن ایکی ساعت اول طاپدینی ادمک کله سنی قاناه
یویانمش پرچندن طوتوبده التون یغماسنه بر آچق ایچون
اوته کینک بریکینک اوزرینه آتاندردده واردی . نه حاجت
شمدی پاشا شوقپونک اوکته ایکی جلاد صاقلسه ده سز
چیقارکن اوردرسه خلق نه یاپار

(عصمت)

ای ! قادین بزى بوکیجه صباحه قدر زهرلیوب لوره

جقمیسین ؟ بر چاره دوشونیورسہ ک سو یاہ . یوقسہ
سکی کس . . . ارتنی الویرر .

« کل نہال »

دشمناک بودرجه یہ کلدکنصکرہ دشمنجہ طورانمقدن
یشقہ بلانک اوکئی المغہ چارہ یوقدر . خلق ایاقلنمغہ حاضر
طوریبور . ظالم کیمینک بابانی اولدیرمشلر . کیمینک
قزینی قاجر مشلر . کیمینی دوکشلر . کیمنبہ سوکشلر .
ہسینی صویمشار ہرکس دوشدیکی بلادن قورتولمق ایتور
کیمسہ راحتجہ یشامق ایچون جانی اورتہ یہ قویمقدن
چکنمیور . اوکارندہ برادم . برضابط ارایورلر . بک اقدی
یہ کورلر . یوزلرینہ باقیور .

(عصمت)

دادی سن چلدیردکمی ؟ بکمی قورتاردجقم دیدہ آتک
تا اغزینہ آتغہ می چالیشیورسن ؟

﴿ کل نہال ﴾

آہ ! . . . عجب اللہ بکا اوکوناری کوسترہ جکمی ؟ بن
برکردیکی بو قدر مظلومک اوکندہ کوردیم . برکرہ یوز
بیکلرجه آدمک جاتی . عرضی . مالنی قورتارمق ایچون
آتک اغزینہ آتلسون . ہیج شہم یوقدرکہ اللہ معینی
اولور ملدکر یاردمنہ کایر . مملکتدن بوبلانک وجودی
خالقار . سنک جانکدن . راحتکدن کوکلم امین اولور . بنده

او وقت تر به زیارت ایدر کبی هر کون ایاقرینه قباقر اغلایه
 اغلایه عربیکه . دولتگه دعا ایدرم . اما اللهم ازاده سی
 بشقه ایمشده بک بویولده کیدر مش . شو اوفه جق شیشه بی
 کورد کمی ؟ ایچنده کی صو ایکی روحی دنیا مشقتدن
 قور تارمغه کافیدر . بونی بن یانمه الیر . سئیده الکیدن طوتار
 مزارینه کستوریرم . قزم ! فاک اوزریمزه بر جانوار مساط
 ایدی .

بوراده انسان یشادینقی ایستمیور . قرق ساعتده
 بر اوجندن او بر اوجنه وارلمز بر قوجه مملکتی پادشاهک
 ملکندن . قویاره قویاره ایرمقی ایستیور . بو قدر
 انسا ذرک ازه سنده بر قهرمان بر ماک پیدا اولمشدی پادشاهه
 ماکنی . از ککلره حرمنی . قادی تاره قوجه سنی . نه لره
 چوجغنی چوجقلره باباسنی . هر کسه حقنی ویرمک ایچون
 جانی اورتیه قویدی هیمزک اوغورنده شهید . وجودی
 طوپراغه گیرسه دخی عرش اعلا دن سنی بکیور . کندینی
 اویاه بر قهرمانک . اویاه بر ملکک . قدرینی . شانی ییلن
 قز ارقه سندن یشامز دیردم قوینده کی زهرک یاریسنی الیاه
 سکا ایچیردم . یاریسنی ده بن ایچردم . چوجوق کن بشکنه
 گوتوردیکم کبی بو یاشده ایکن ده قوجانمه آلیر گوله رک
 اوینا شهرق قره طوپراغه ایندیردم . اوچمز بر کونده
 اولوردک . اوچمزده بر کونده بودنی دنیادن قور تیلوردق .

﴿ مختار ﴾

کل نہال ! نہ قدر منا۔۔ بتسز لقر دیلر سویاپورسن
شدری سزک کیکہ گز کاه جک دیه پادشاهک ضابطنه
عصیانمی ایدلم ؟

« کل نہال »

او قدر حرمتلی بر اسمی اورته یه آیورسگز ؟
پادشاه انی پیلیری ؟ انک پادشاهی طانیدینی وارمی ؟
او کندینی بو مملکتد مستقل حکمدار ظن ایدیور . او
هرکسک مانی کندینک . عرضنی کندینک پیلور . پادشاه
اوله لی ایکی ییل اولیور . بر گون کچمدی که اون بش
مظلوم اولدیر مسون . مبارک بایرام گونی بری اون اوچ
بری اون بش باشنده ایکی معصومی آتک او گنندن
کچدکار یچون چکنا تدردی . پادشاهک بونلردن خبری
وارمی ؟ اولسه قائل اولورمی ؟

﴿ مختار ﴾

قادین صوص ! بن اولورده اونی بونی تلف ایدوبده
جنازه لرینه می باصه رق صندالی حکومتہ چیقہ مم .
اکلادکمی ؟

﴿ کل نہال ﴾

(بارد بر تمذیرله)

اویاه ایسه بکم الله یارد بجیگز اولسون . بوندن صکره

بکا دعادن بشقه ياپه جق برشی قلمدی .

در دنجی مجلس

مختار بك — عصمت خانم

« مختار »

كل افندم ! كل عصمتجكم ! داديكك مناسبتسز خليا -
 نرى سنى راحتسز ايتسون . كل ! بزنگاه محبتمزه باقهلم .
 باق ! ماهتاب صويه نه كوزل عكس ايتمش . . . هانى سن
 چوجق كن صويونورده يوزاردك ؟ طبقى اكا بگزيور .
 يپراقلك . چمنارك اوزرندهكى توزلره دقت ايديورميسن ؟
 مبارك سانكه يشيل اطلسه كومش تل ايشليور . امان شو
 صالحم سو كود نه قدر كوزل ؟ . . . آيك ضياسيده
 يپراقلرينك اراسندن نه تحف كچيور ! كويا بركلناك قز صو
 كنارينه اوطورمشده پريشان صاچلرينى الماس طراقله
 طرايور . هله شو قوشه باق ! عجبيا بلبلميدر ؟ نصل دالدى
 داله صچرايور . نصل يپراقلك ازه سنده مايوس بر قلبه
 دوشمش نجات اميدى كنى كندىنى گورر گوزلردن
 صافليه جق قرانلق كوشه لر ارايور .

اونه قدر طالغين باقىش ! برشى سويليورسن ؟ سن

گرچكدن قورقدك يا

(عصمت)

بکم بر چاره بولده بز بو مملکتدن کیدم . کل نہالی
 پلیرسن دائمًا « ازکاک اولسه وزیر اولغه لایقدی » دیر
 طورردک . او بیهوده یرہ بوقدر تلاش ایتمز . لقر دیلری
 سانکه بر قزغین بچاقه کوکله قازلدی . عصمتک سکا قربان
 اولسون . بنی بشقه بر یرہ کوتور . بن بویاہ یشامغی
 ایستئم . یانمده اولسه گده اولسه گده بن دائمًا وقتمک
 کچمنه عمر مک توکنمسنه دعا ایدیورم .

﴿ مختار ﴾

اونیچون :

[عصمت]

یانمده دکل کن ایریلغه طیانہ مدیغمدن . یانمده ایکن
 بری کلیرده الیمن الیر قوز قوسندن شمدی حالم بویاہ .
 بتون بتون برلشیرسهک دها کوچ اوله جق . بلا دها
 چوغاله جق . بکا بوزاده یشامتی سانکه جانمی قوجاغنه
 المشده یر تیجی حیوانلر ایچنه دوشمشم گبی کله جک . بن
 او قدر اندیشه یه . او قدر ازیتہ اوچ گون طیانہم .
 چلدیرم یا هلاک اولورم اوف ! دها لقر دیسنی
 ایدرکن قائم اریمش علو کسلمش . قورشون گبی طمرمی
 جایر جایر یا قیور . شو الیمده کی اتشه باقده حامله مرحمت ایت

(مختار)

* عصمت ! سن اول بويه مراقلى دكلدك ؟ هوامن
 ماهتاب وقتمز بهار شو دوکولان نورلر گجى صاف .
 شو اقان صولر گجى ظاهر ايکى گوکل بريره کلمش . کدرلر .
 اندیشهلر حالمزه حسد ايدوبده يانمزن قاچه جق ايکن بز
 کندیمزى قسوتك قوجاغنه اتوروز . دنيانك اوقدر دگرى
 وارمى که محضاره سندن قورقولسون . اولوم اوقدر
 قورقونج بر شیمی که دوشونمکه ...

بشنجى مجلس

اولکيار — کل نهك

[کل نهك]

(تلاشله اوطه به گیر. رك)

ایشته ! ایشه ! دیدکارم کلدی چیقدى . ایشه
 قره ولی قوناغى باعدى کلبور . یکنم کوپکار لقمه سی
 اولیدی ده دوشنمیه ایدم . اولو طوغایدم ده بوگونلری
 گورمیه ایدم .

(عصمت)

آه ! بکم سنك تلفکه بن سبب اولیورم .

« مختار »

طورك ! نه تلاش ایدیورم گنز ؟

دایشاریدہ برس

بویاہ سہامہ السلام حرمہ کیریلیری ؟ ہریری کندی
اولومی ظن ایندک ؟

بردیر برس

شوحیوانی سویلتیمیک . آتک نردباندن اشغی .

برنجی سس دہا بوزوق

الچقار ! بر آدمہ اوتوز سلاخی بردن چکیورلر .

ایکنجی سس

سویلتیمیک ! نردباندن اشغی آتک دیورم .

(نردباندن بر آدم یوارلتور . بوسرہ لردہ مختار بک

دائما دایشاری چہمق ایسترعصمت خانہ صاریلیرقوی ویرمن)

« کل نہال »

واینک سسی ! اوجانوار گوگریور .

التنجی مجالس

اولکیلر . قرہ ولی براقچ ارناود

قرہ ولی

بک طاورانمہ ! پاشانک امری وار . محبوب سسک

سلاحاری تسلیم ایت .

(مختار)

کیم خلط ایتمش ! بنم حبسیمی امر ایتمگہ جسارت

ايدن كيمدر ؟ قليجى هانكى يگيت اليمدن اله جق هله شو
قارشيمه كلوبده سلاخلىنى تسم ايم ايت ديان كوڭه باق!
شمى ادمه سلاخى نصل ويرر لر كوررسن .

(قايجه طورانير)

قرهولى

(طبانجه لىنى چكرك)

بر اديم دها اتارسهك جانكه قيارم !

﴿ عصمت ﴾

(مختار بك كوكسنه يغيهرق)

بكم ! الله عشقنه ايمه . نيم باشم ايجون ايمه . بوقاتلار

سكا قياجق .

(انارنى براقير مندرك اوزرينه دوشر بايلير)

« مختار »

(عصمت خانمك ياننه قوشهرق)

عصمت ! بنى انلر دكل سن اولديره جكسك !

(قرهولى)

فساد باشى اولمى بيليرسن . خلقى پاشانك اوستنه

قالدرمى بيليرسن . بلا وقتى كانجه قوشار بر يتيم قزك

قوياننه صاقليرسن . اوياهمى ؟

﴿ مختار ﴾

صوص كوچك ! بن خلقى اياقلديره جق اولسه

شمديه قدر هيگيز زبايلر النده بولنورديگيز . نيم ايشمده
قصور بولمق سنك حدينه مي دوشمش ... حالا قارشمده
طور يورده ديزلرينك باغي چوزلميور . حالا يوزيمه باقيورده
يوركي يرندن قومبيور .

(هجوم ايتمك ايستر كل نهال صاريلير)

« قره ولي »

ايلري كله ارجانگه قيارم ديورم .

(ياننده كي ارناودلره)

بك اولمكي قورمش . سلا حلا ريگيزي تنكه الاك

(كل نهال)

(مگانله)

نه ياپورسن ؟

﴿ مختار ﴾

چكل اوكدن شمدي سني ده ايكي پارچه ايدر

« كل نهال »

(هيچ طور ني بوزميه رق)

ني ايكي پارچه ايت . بوني كبرت . اوته كيلري باردله .
قوناغك ايچي طيشي سكبانه طولو . ارسلان اوينه چيقار
گي اوزرينه بشيوز كويكله گلشنر . او قدر سلاحدن
كنديكي فصل قورتاره جقسبن ؟ وجوديكي بو اوطنك
ايچنده پاره لدوبده عصمتك هم جانته . . . هم ناموسنمي

قیه جفسن؟ سن سو دیگه اچیمز میسن؟ هیچ اوسنک
وجود کدن بر طمله قان چقیدیغنی گوررده بر دقیقه یشارمی؟

(مختار)

(بر شدتلی اضطراب وترددن صکره قلیجنی ایغنک)

(التنه قرار طبابجه لرینی پنچره دن فرلادوب قپویه)

(طوغری یوریه رک)

کل نهال! عصمت اول الله صکره سکا امانت باقالم

جناب حتی بزم ایچون نه مراد ایتمش.

(قپویه طوغری گتمک استیان بر آراوده)

ارقه مدن کل! ادبسنز.

(هرکس برر برر چیقار. قره ولی اک صکره یه قالیر.)

(موم اسکمله سنک اوستنه برمکتوب بر اقوب کیدر)

یدنجی مجلس

کل نهال. عصمت

«کل نهال»

(مکتوبی الیر. اچی اچی گوله رک)

«عصمت خانم اقدی حضرت تلرینه» او! اعتبار

یومش.

(مکتوبی اچوب)

«نور دیدم جگر گوشه ام اقدم» های گوزلرینک

وزی طلمایہ طلمایہ یزہ دوکولیدی . جگرٹ پارچہ
 پارچہ اولیدیدہ اغز گدن کلیدی . « ایتدیگم قباحتہ ینہ
 سبب سزسگنز » آچن ! . . . « کیم عاشقی اولورده
 رفیندن قورتلتم ایستہ من » خائن . . . « اکر مختار بکه
 اجیرسه گنز یارین کلیرسگنز عرض ایده جکم شرطلری
 قبول ایدرسگنز » انشاءالله یارینه قدر یرک دیننه کچرسن .

﴿ عصمت ﴾

(قورقو ایله اتیله زق)

نروده بک ؟ نروده . اولدیردیلرمی ؟

﴿ کل نہال ﴾

(متاتله)

خیر اقدم ! اولدیرمدیلم . گوتوردیلر . یارین انشاءالله
 قورتارورز .

﴿ عصمت ﴾

قورتاررمیز . نه دن بیلورسن ؟

« کل نہال »

(مکتوبی النہ ویردرک)

باق سزه دیمدمی ؟

﴿ عصمت ﴾

(مکتوبه گوز گنز دیردرک)

اللهم ! بونه قدر خائنك . بونه قدر الحقلق . دادیجغ !
 بك نم یوزمدن تلف اولیور .
 ﴿ كل نهال ﴾
 خیر . الله عنایت ایدرسه سنك یوزگدن قورتیله جق .
 (پرده ایز)

ایکنجی فصل

برنجی پرده

﴿ قیلان پاشانک حرم دأر می ﴾

برنجی مجلس

(قیلان پاشا . پاشو خانم)

« پاشو خانم »

او غم ! ارسلانم ! سنک گوکلنده برصقندی می وار ؟
چهره کی بر قورقونج دومان بوریمش . نه اولیورسن ؟ سن
نه گدن برشی صاقلامزسن دگی ؟ دنیا ده بو قدر دولتکی
سویورم . هر مسرتگدن بنده حالجه حصه می آیورم .
بردردک وارسه اندنده یایمی استرم .

﴿ قیلان پاشا ﴾

درددکل براملم وار . سزدن یاردم ایستیه جکم .
ایشته الیمزه شود دولت کچدی . مملکت بزه قانندی .
لکن حالا خاندانمزک یاری مالی مختارک النده . بن
سنجاق بکی اولدردم . او عادی بر آدم قاری . ینه
نفوذی هرکسه بندن زیاده کچور . بنم امرم
قلجکم قورقوسیه فعله چیقور . اونه سویلرسه

هرگس جاندن . . . کوکلدن ایستیهرك یاپور .
 یوره کی پارچه پارچه ایسه لر ایچنده مختارک کیندن
 بشقه برشی بولمز . مختاری بر درلو چکه میورم . . .
 چکه میورم . چونکه هرکس اتی نه قدر سویورسه
 بندن او قدر نفرت ایدیور . چکه میورم . چونکه
 او هر کسی دوشونیور . هرکسده اتی دوشونیور .
 بن یالگنر کندی میورم . بنیده کیمسه
 دوشونیور . چکه میورم . چونکه بن کدینه
 نه قدر قاتی ایدرسه هم هیچ برینه مقابله ایتمیور .
 خالق کوزنده یه بی آلچق کو-تریور . چکه میورم .
 چونکه او کندی بندن بیوک کوریور . بن
 کندی اندن بیوک کوره میورم . چکه میورم .
 چونکه او بن یرمه کلکی ارزو اتمکه نزل ایتمیورده
 یه هرکس اتی بن یرمه کورمه جان آتیور .
 چکه میورم . چونکه جانی دوشندکجه انک برادیلشینی
 بکا حقارت اتمک ایچون صانیورم . چکه میورم . چکه
 میه جکم . چونکه عصمت بیله انک اوغورینه جان ویریور .
 بنی کندی حیاتنده یشامه می کبی کوریور . مطلق چکدیکم
 عدابلرک انتقامنی اله جفم . البته ایستدیکم کبی جانی یاقه جفم

﴿ پاشوخانم ﴾

اوغلم ! بن صویگده سندن یورکسز آدم کورمدم .

قاج ایاردز چغتجی اصنافک اغز نده مختارک بکلکنندن...
 بیوکلکنندن بشقه سوزیوق . ینه مختار اورته ده کزیور .
 نه سندن قورقویورسنده بو قدر کندیکی اوزیورسن .
 زهیرکی یوق ؟ سکا کوکلرله کتیره یم . جلا دیمی اسک ؟
 برکزه ایاغکی یره اورسه ک قارشیکه بیک دانهمی چیقار .
 قاطری نه یشادر طوررسن ؟

(قیلان پاشا)

سن انتقام نه دیمک اولدیغنی اگلامشسن . بر آده
 اولکله نه اولور ؟ براز عمر غائب ایدرسه براز راحت
 قزانیر .

نیم چکدیکم اولوم کبی بر قاج ساعتک بر ازیتمیدرکه
 اولومی انتقامه کافی کوره یم . آه ! چکدیکمی بیلمزسن که
 مرامی اگلا یه سن بن بوراده برضابطم اوچ یوز بیک
 کشی یه حکم کچور . هانگیسنه هر نه استرسه م یاپارم .
 اوچ یوز بیک کشینک باشی المده طور یور . هانکیستی
 ایسته . م قوبارر او ووجهه اوینارم . اوچ یوز بیک کشی
 نیم بر امریه قارشو طور میور .

استرمیسن شو او پی یاری بلنه قدر باش اشاغی یرد
 گوملمش ادمارله طوناده یم استرمیسن شوباغچه پی اتاسندن
 بلایندن ایرلمش یتیمارک کوز یاشیله صولایم استرمیسن
 اشاغی محله پی سیل باصه حق قدر قان دوکیم ! استرمیسن

بر چو جنى بابائىك اليه ائشه ياقديره يم ؟ استرميسن برادمه
انائىك دريسنى يوزديره يم ؟

بن بوراده نه استرسه م اولور . نه امر ايدر ايسه م
وجوده كلير . كيم بر امر يه اطاعت ائمه جك اولورسه
شمدى سويلديكم اذيتار دن بيك قات زياده عذاب ايچنده
گبردير م .

بر كرده بوقوته . بوقدرته باق ! بر كرده مختارى
ييلديره مامنى دوشون ! مختاردن اشاغى قالمنى گوزيكك
اوگنه آل !

قاپار كك بر كره يوزينه باقسه م وجودمده نه قدر قان
وار اتش كسيلور بينمه طوپلانيور . باشمه صانكه قزغين
تاجار كچيور . بنده زندانمده كي قاتلر قدر اذيت چكيورم :
هم بتون مملكتدن بيوك اولوبده هم بر كشتيدن كندى
كوچك كورمك انسانه نه بيوك عذابدر بيليرميسن ؟
عمر گده كيمسه يه حسد ايتدكى ؟

« باشو خانم »

اوغلم ! اولدير ديدم اكاده قائمك . بيلمم نه يابه جتمسن ؟
جهنمه كوندره بيليرميسن ؟ الدين كلير مى

(قپلان پاشا)

جهنم عذابى بن اكا دنيساده چكديره جگم . قلبى
جگرىنى بيك پارچه ايدم جگم .

﴿ پاشو خانم ﴾

یاب اوغلم زوقك نه ایسه گری طورمه . لکن بیلیم
نصل یاپه جقسن ؟

[قیلان پاشا]

نصلمی یاپه جغم ؟ عصمتی انندن اله جغم . قلبنی
وجودندن قوپارم جغم . بنی اجلی قدر سومیان عصمتی
جانندن سور گبی گورنمکه مجبور ایده جگم هر دقیقه بیك
حقارتاه . بیك ازیتله گوکائی زهرلیه جگم . ورم دوشکارینه
یایره جغم مختار یشایه جتی عصمتك صاغ ایکن مزاره
گومامش ادم گبی آجی آجی ایکلدیگنی ایشیده جك .
وجودنی چوریمش کنلردن صولوق گوره جك . هر
دقیقه بیك درلو اولوم عذابی چکه جك . هر دقیقه بر
درلو جهنم عذابه دوشه جك . اکیورمیسن ؟ بن انتقامی
بویاه ایسترم .

﴿ پاشو خانم ﴾

آی اوغل سن چوجقمیسن ؟ صانکه انی عصمتدن
ایرمتی جانندن ایرمقدن دهامی بتردر ؟

(قیلان پاشا)

عمر گده کیسه بی سومشسن که هجران عذابك نه
اولدیغنی بیاهسن ؟

« پاشو خانم »

بق شو مروتنزه ! يا سكا اولان محبتم ؟

[قپلان پاشا]

بكا اولان محبتك مى ؟ آ والده بكا اولان محبتك
 آء جينك كوپكى سويشندن هيچ فرق اولدينى بن
 يلزميم صانيرسن ؟ نى كوچكدن برى الكده بوتدك .
 ايستديك گي آوه الشدردك . ايشيكه ياريورم سنده
 چاره سز او قشيورسن . محبت ديديك بو دكلى ؟ بن
 بابامدن قورتارمغه الت اولدم . سن نى عجمدن
 قورتارمغه ياردم ايتدك . بر برىمى سوديگمك اورتده
 بشقه بر دىلى وارمى ؟

يازم بونلردن آلچق بر سرزمى واركة بر برمزدن
 صاقلايه جغز ديه بشقه درلو كورنكك چاليشوب
 طور بيورز . بز عادتانا اوغل دكل ايكي مشترك قاتلز .
 كل نافله كافتلره دوشميهلم حالمزه لايى اولان نه ايسه
 ارامزده اولسون اويله طورانهلم . حالمزجه طورانهلم .
 نى دكاه ! مختار حبسده عصمت ايچرى كلش .
 قورتارمغه چاليشه جق . يانكك چاغرسن . مختارك
 قورتلمسنه بكا وارمىنى شرط ايدرسك . هر نه ياپارسك
 ياپارسن . قانديررسن . مطلق قانديره جقسن . عصمتى
 سندن ايسترم .

﴿ پاشو خانم ﴾

آی اوغل ! او نصل لقردی ؟ مرادك انتقامسه
عصمتی آل بشقهسنه ویر . نیم بویاشدن صگره قوناغك
ایچنده خانغلغه بر اورتاقی پیدا ایده جکسن بو قدر
جاریه لرك وار الویرمیورمی ؟

(قیلان پاشا)

بو سوزلری سویلدیكك زمان هیچ خاطر نه کلیورمی
بو گون اوغاك ممالکتك نصل حاکمی ایسه سئکده اویله
حاکم کدر . نصل تربیه ایتدیگکی . نصل یتشدیگنی
پلیرسن . سنك حیاتك کڈك ایچون باباسنی زهرلمش
بر آدمك النده طورییورسین . او آدم عجبا کیفی ایچون
نه یامز ؟ عصمتی سندن ایسترم اکلادمکی ؟ سویلدیگم
سوزلری کوزنك اوگندن آرمه ! بن شو قیونك
ارقه سنده .

ایکنجی مجلس

« پاشو خانم »

(کندی کندینه)

آه ! جانوار بیودی . شمدی پنجه سنی کندینی
طاشیان اتانك قرنه صالیور . باباسنك جاتی بیان آناسنك
جگرینی نیجون یمسون ؟
بوری اللهك غضبیه اوغرامش قانلی بوری ! اردینه

باقوبده نایسه کیری دونمگه چالشمه ! باصه جغک یرار
ایاغنک التندن قاچار . اوگنده کی مزارلردنمی قورقیورسن ؟
سن انلری کندی طبرناغکله قازدک . بوندن صگرد سکا
کیم یاردجی اوله جنی ؟ برقوجاگ واردی . قستقناجاغندن
بیقدک جانته قیدک . براوغلاک وار . اقرباسنک آتیه بسله دک

﴿ قیلان پاشا ﴾

(قپودان گورینه رک)

اقشامه قدر دلی کبی کندی کندینه سویلنوب
طوره جقمیسن ؟

« پاشو خانم »

شمدی امریکی رینه گتیریرم اوغلم . شمدی رینه
گتیریرم . سن ذوقکله باق ! کل ! ... کیم وار اوراده ؟

اوچنجی مجلس

(پاشو خانم . برحلايق)

﴿ پاشو خانم ﴾

قز ! عصمت خانم ایچرده می ؟

(جاریه)

اوت اقدام ! صبا داین کلشیدی .

« پاشو خانم »

سویله ده بورایه کاسون ! دادیسنی ده چاغز

﴿ جاریہ ﴾

پک ایی افندم .

ذردنجی مجلس

(پاشو خانم)

(کندی کندینہ)

عمرمدہ برنجی دفعہ در قورقو نہ دیمک اولدیغنی گو -
 کلمده حس ایتمکه باشلادم . زهرملک ایستہ سہم دأرہمده
 یمک یمز صو ایچمز . اورمتی ایستہ سہم دولت اندہ مال
 اندہ . بنم ایچون کیم سہلح چکہ جک . آہ ! دیہلم کہ چکہ -
 جک ادم بولنمش جانوار گبی بوقدر مظلومک قانتی ایچدم .
 انکړک گبی یتاغہ صغنان ادمی زهرلدم . اما فزغین کدیار
 گبی کندی یاوریمی یمکی بردرلو گو کلم المیور . بیچارہ بن !
 ینہ بن نہیم او اولادم دکل . نصل اولاد اولسون باباسنک
 قانتی کندی الله ایچردم .

بشنجی مجلس

پاشو خانم . عصمت خانم . کل نہال . جاریہ لڑ

« پاشو خانم »

(عصمت خانم انکنی شہما کن)

استغفرالله قزم ! کل شویاږه یاڼډه اوږور . ان شاءالله
کیڼک ایدر ؟ کل نهال سن نصل سن باقهیم .
(کل نهال)

دعاگزله مشغولم افدم .

﴿ پاشو خانم ﴾

گورمیدلی گوزلاشمشسن . هرکس اختیارلدقجه سکا
یرگنجاک کایور . هله عصمت تگرینک برلگنه امانت ...
برخیرلی خبرم وار . دنیالر سنرک اوله جقی . مژده سنی
سندمی ایستیهیم ؟ عصمتدمی ؟

﴿ کل نهال ﴾

افدمزه مژده ویرمک بزم خدمزمی ؟ ذاتی بزم
مالزده سنرک جانمزه

« پاشو خانم »

سن شقاده بیامیورسن . خانم قزم ! الله اقبالکی
ارترسن . اوغلم سنی ایستینور . الهک امریاهه استیور .
نصل ! مژده ایسته سدم اولزمی ؟

﴿ عصمت ﴾

پاشانک ارزوسنی بن ذاتی بیلوردم .

(پاشو خانم)

باق شوخیانته ! چونکه بیلوردک نیچون برکره
کلوبده بکا تشکر ایتمک ؟

(عصمت)

نصل تشکر ایدہ ہم . باقلم بن انی ایستیورمی ہم ؟

« پاشو خانم »

دلنک سویلدیکی لقردی یہ باق ! سن کیہ سن کہ
اوغلمی ایستیمہ جکسک ! جانگہ قصد کمی وار ؟

﴿ عصمت ﴾

نی اولوما می قور قودہ جقسگنز . سایہ گزده هرگون
سکز اون مظلوم جنازه سنی کوره کوره اکاده الشدم .
قونوگنزده زهرمی حاضرلدیکز ؟ ویرک ! قیونک
ارقه سنده جلادی صاقلادیگنز ؟ چاغرک ! اون التی
باشنده برسودالی قز نصل قولای اولورمش لو وقت
گوررسگنز ؟

﴿ کل نہال ﴾

عصمت ! سن عقلگیمی غیب ایتدک ؟

﴿ عصمت ﴾

صوص دادی ! هر لقردیہ اوکمه چیقوب طورمه !
ایچمدہ کی زهرلری بردر لو هضم ایدہ میورم . دوکہ جکم .
ہبسنی دایشاری دوکہ جکم . ہم طمرمدہ انلرک قانلری
گزیور . اگلادکی ؟

(پاشو خانمہ)

اوغاک قیوسندہ نہ قدر قودورمش کوپک وارسه

گوندرر . عمجھ سنك قزی اولدیغمی دوشونمز قونای
 باعدیرر . ناموسمی رباد ایدر . صگره بنی نکاح ایتمه
 قالقار . اوغاك بر بیکناهی حیدود گبی سكبائلرینه
 طوتدیرر . یانمهدن قالدیردیر . زندانلره اتار زنجیرلره
 اورر صگره بکا مکتوب یازار . بر شرطم وار . اگر
 قبول ایدرسهك انك جانی قور تاررسن دیر . دنیاده
 یالککز بنم ایچون یشایان بر آدمی بنی النسن المدتجه
 یشاتمغه قالدیشر .

پاشا بنم عرضمی دیت پاره سیمی صانیور ! پاشا بنم
 مختار ایچون جان ویره جگمه باقیورده کوکلیده سکندی
 المنق امیدینه می دوشوریور ؟ بن کیمکه قوینی طواتوغی
 زهیر طولو جادیلرک . گوشه سنده بوجاغنده جلاد صاقلی
 آدم سلخخانه لرینک ایچنه گیریم !

بنی بورایه الوبده بخنچرلدیگکز مظلوملرک کیمکلری
 ایچنده می یاتیره جقسککز ؟ بنی بورایه الوبده
 زهرلدیگکز بیچاره لرک خیالاتی اره سنده می کز دیره
 جکسککز ؟ کلینک او طه می دایمک قانلی اثوابله می
 دوشه یه جقسککز ؟ دوکونمک ضیافتده چاغره جککز
 کوپکلره مختارک جکرینمی دیره جکسککز . قادین اوغاسکک
 قان لکه لی ایرین قوقولی یناغنه لایق دنیاده بر الچق بوله
 مدکده بنیمی کوردک ؟ بنی سزه جلاد قاریسی اولغی قبول

ایدر دیه کیم خبرویردی ؟ بنی سزه غول یانیلرله بر
 یساقده یاتمغه قائل اولور دیه کیم خبرویردی ؟ بنی سزه
 کوزینه کیم راست کلیرسه قانی ایچمکه چالیشان برجانوارک
 یاوروسنی قارنده طاشبر . جنسنی دنیاده چوغالدرده
 قیامته قدر هرکسک لغتنی اوزرینه آلیر دیه کیم خبر
 ویردی ؟ اوغلکه قاری ارایورسک مملکتک هر طرفنده کی
 مزارده بر جادی بوله مدکی ؟

﴿ پاشوخانم ﴾

بواد بیزلکلری سکا مختارک محبتی ایتدیریور . اویله می
 دلی قاری انکده جاننه قیدک . کندیکنده . سن قیلانمک
 دها خشمی کورمامشسن شمدی ایکیکزیده یان یانه
 چارمیخلره کردیرز . هرکمیکنزی آیری آیری قردیرر .
 اووقت سنک اکانک سکا بر فائده سی اولور می ایمش کوررسن ؟
 اووقت پاشاسنه اطاعت ایتمانک حالی نه یه واریورمش
 اکلارسن ؟

﴿ عصمت ﴾

(آجی آجی کوله رک)

بنی اذیتدن قورقوده جق ! مختاری جان آجیسیله
 ییلدیره جق ! بن بکم ایچون اولورمده او آجیر . اونم ایچون
 اذیت چکرده بن یانارم . اویله می ؟ بز بر بومزک صبرینه
 باقرزده افتخار ایده رز . هرکمیکنزی قیروب ایردقچه

کو گلزی بر قات دها برلش دیر رسکنز . ایسترسک غضبان
 غضبلن ده یوره کک کینکدن حسد کدن چاتلاسن . ایشته
 سزه باش آکیمه جکز . ایسترسه ک قیز قیزده اتشار ایچنده
 کبر ! ایشته سنک عنادکه زهر کدن . خنجرندن اذیتندن .
 عذابندن چکیمه جکز . ایسترسه ک چلدیره چلدیره
 شاشغناغندن ییلان کبی کندیکبی یه ! ایشته اوغلنک
 کورلکنه بر برمنک یولنه صفا ایله . قزمله اوله جکز ...
 سحر بازلر کبی صاچلرینک هر بری بر اژدرها کسسه یه
 قارشیکه طوره جغم . یه یوز یگه قارشی هر ایستدیکمی
 سویله حکم . نه دیه جکسن باقیم ؟

التنجی مجلس

اولکیلر . قیلان پاشا

« قیلان پاشا »

(خنجرله عصمتک اوررینه یوری یرک)

صوص ! عفریت یاوریبسی ! شمدی سنی ایاغک

تلتنده ازرم . باغ صاقلریکی میدانه دوکرم .

(عصمت)

(آجی آجی گوله رک)

هله شو سنجاق بگنه . هله شو ممالکت ضابطنه

یاقک اوینه کلش بر نا محرم قز چر چیللق اوطوررکن

اللہدن قورقہدن ایجری کیریورده اوزرینہ خنچرلہ
یوریور !

اورسہک آ ! نہ طورییورسن؟ دجاک باقشلی صورتکہ
بر ایکی لغت تمغاسیده ہم قائمدن یادکار قالسون !
(ینہ آجی آجی گولہرک)

دعا اولدیرمکہ جسارت ایدهمیور . صانکہ بنی
قورقودهجت . دها باقشمہ قارشلی طورہمیور . عقلمجه
گولکہ حکم ایدهجک . جهنم کوپکی ! نہ دیشاریکی
غجرداتیورسن . گولکی یورسن ینہ حکمکده طوته مزسن .
وجودیمی پاره لورسن ینہ یتاغکده اله مزسن . جگرکہ
خنچرلر صاپلا مردار قانک یرلرہ دوکولسون . مختاردن
بر درلو ایرلمہ جغم . باشکی طاشدن طاشہ اور پینک
بورنکدن آقسون . مختارک یولنہ قربان اوله جغم . یوزیکی
گوردم قان لگننہ باقش گبی ایچمه بر فنالق کلدی .
اکرہ نیورم . گولکم بولانیور . بکا بر حال کلیور .
(قیلان پاشا)

شمدی خطر یری قالدیرسنلر . امام اوینہ کوتور -
سونلر .

(کل نہال)

﴿ ایاقلرینہ قپانہرق ودائما یوزینہ باقہرق ﴾
مرحمت بیورینگز . چوجقدر . ذها عقلی باشنده دکل .

اقربا گزیندر . خاندانکزک ناموسنی دوشونگیز . هیچ
انک سزه اویله لقردیله سویلک حدیمیدی . گوکلنه
طوقدیله . شمعی کندی سویلدی طمرلرنده سزک
قاندگیز گزینور . بردن بره علولندی زهننه طوقندی .
سایه گزیده نازلی بیومش . شمعیله قدر بویله برمعامله
گورممشدی . دون کیجه پک قورقمشدی . زهنندن حالا
سرسملکی کتاش . باشنده سوداسیده وار .

(بوسوزدن باشانک حدتی تراید ایتدیکنه انتقال ایدرک)
سودا دکل آ کندی سودا صانیور . بو قدر سنه در
مختار برگون ارقه سنندن آیرلمدی . سز برکره یوزینه
باقدیگیز . پیاسه گز سزک صغوق طوریشگیزه نه قدر
اوزولوردی . نه قدر اغلاردی . او وقت سزده باشنده کی
سودا اولمدیغنه اینانیردیگیز . هیچ مختارکی کرچکدن
سوسه برمکتوبگیزله قالقار بورایه کلیمیدی ؟ اقسام
کوزلری مختار ایچون اغلارکن مکتوبگیزک سونجی
دوداقرندن کورینوردی .

بورایه کلدیکی وقت هر امرگیزی قبول ایتکه عهد
ایتشیدی . سزانی نصل استیورسه گز اوده سزی اویله
ایستر . الشدیرمدیگیز . وحشی طوردیگیز بشقه سی
الشدیردی . اغزندن بو قدر سوزلر الدی شمعی
اوطانیورده حالی میدانه قویه میور .

« قپلان پاشا »

يالان سويلديكڻه ٻين ايت !

﴿ ڪل نہاڪ ﴾

سزڪ باشڪنز اڇون گرجڪ سويليورم .

« قپلان پاشا »

پليرميسن ڪه حضورمده يالان يره ايديلان ٻينڪ

ڪفارتى جاندر .

﴿ ڪل نہاڪ ﴾

نه خاجت ! ايشته آيلغه باشلادى . نى بش دقيقه

ياننده براقك هر امريگزه راضى ايتزمدهم قائم حلال

اولسون .

(قپلان پاشا)

بن اڪا قبول اولنمز بر شى تڪليف ايتيورم . همان

يوگون نڪاح اولسون يارين دوگونه باشلايهلم ديميورم .

نشاندانمغه راضى اولسون . بردها ڪيمسهنك اليه ڪچميه

جگنه امين اولهيم . الويرير . بن مختاردن صغويونجهيه

قدر بڪارم . ساعت بشى اون درت ڪچمش . گيدييورم .

بش دقيقه صگره ڪارم .

(ڪندى ڪندينه)

١ بوقارى يلاتى فنا سويليور . لکن صباڄلرى اينديه

باقدىغمى دوشونسيدي بلسکه سنى سويور ديمکه جسارت

ایده مزدی . یمنیده گوزل بولدی . بنم باشم ایچونمش
بنده اندن محبتی بکلیورم ؟ برکره نکاحه گیرسن .
صکّره قونشورز .

یدنجی مجلس

کل نهال عصمت

﴿ عصمت ﴾

اوخ ! براز یوره کم آچیلدی . بوندن صکّره نه اولمق
احتمالی وار .

(کل نهال)

نه اولمق احتمالی وار ؟ هم ولی نعمتک فرمانه
قارشى طور دك . هم مختار بکی بر حدتکه فدا ایتدك .
انی کرچکدن سومدیگنی شمدی اگلابورسن آ ؟

﴿ عصمت ﴾

دادی اغزك قوروسون . جانم سنكده می قصدك
وارکه یوره که دیامکه خنچر صوقیورسن ؟

﴿ کل نهال ﴾

بن خنچر فلان بیلمم . سندن پاشا یالگنز بر نشانلاتمق
ایستبور .

[عصمت]

ہای اللہک غضب یلدرملری دوشسونده جگری

نشانلاسون

« کل نہال »

(یانہ صوقولہرق گیزی گیزی)

دلپاک لازم دکل . قبولرک ارقدہ سنی بوشمی صانیورسن ؟
مختارک باشی ایچون . ننهک جانچون عندکده نہ قدر
مبارک شیء وارسه ہپسنک حقیچون . نہ سوبلرسم
قبول ایت . سنی بو خنزیرک النده براقرسم اتمک
گوزلیمہ طورسون . ربمک حضورینہ ملعون کیدیم .
(گوزینی عصمتک گوزینہ دیکہرک وباقشیلہ دائمًا

ادارہ ایدرک)

صباحلین « مختار گتدیسہ پاشا صاغ اولسون »

دیورمیدک ؟

[عصمت]

بن

(کل نہال)

سن یا کیم اولہجتی ؟ بز صاندکہ پاشایہ طارہ
غلیفک شمدیہ قدر سکا میل اتمدیگندن اولدیغی
بلمیورمی بز . مختارہ محبت گوستریورسن نہ ہرکسمہ
انایور ؟

نازده بو قدر اولماز . ايشته بر وقت بگنمديارسه
شمدى سويورلر . ارککلر اون اوچ ياشنده چوجوغنده
کوکل ويرمزلر آ!
مختار چاقيني سانکه سنى سويورمى ؟ انده آلت
ايده جکده فساد قالديره جتى .

(عصمت)

آه ! « کل نهال »

هرکس سنک گي چوجق دکل . هرکس سنک
گي دنياي دهايي گورميور .
پيليرسهك آنهك مرحوم اولورکن حقى بکا
ويرمشدى . بالله حلال اتم . اوتانق صقلمق لازم دکل .
بو گون نشانلانه جقسين . بو گون .
﴿ عصمت ﴾
دادى جغم .

(کل نهال)

پك اعلا ! پك اعلا ! بن قصورکه باقميورم . قباختكى
باشياهده عفو ايتديريرم . لکن سنده حدكى بيله جکسن .
ولى نعمتک امرينه اطاعت ايده جکسن .
(النى طوتوب صقهرق وگوزلريه مبهمانه اشارتلا ايدرک)
بو گون نشانلانه جقسن دييورم . اکلا دکى ؟
شمدى افندمز زرده ايسه تشریف ايدر .

﴿ عصمت ﴾

(محزون محزون)

سن بلیرسن .

سنکزنجی مجلس

اولکیلر . قیلان پاشا

« کل نہال »

ایشته افندم عصمتک عقلی باشنه کلدی . جاریه لکگیزه
قبول بیوررسه گنز جاننه منت بیه جک . کیت قزم
افدینک اتکنی اوپده حالکه آجیسن . قصور یکی عفو
ایتسون .

(عصمت کنندینی سورکیه رک اتگنه طوغری گیدر)

[قیلان پاشا]

استغفرالله ! سر شمدی یاری حیاتم حکمنده سنکزن
شو یوزوک یانگیزده نشانم اولسون . سبب حیاتم بابامک
یادکاریدر . نه وقت ارزو ایدرسه گنز الیزده کی دولتی
پایلا شیرز . راحتسز اولدیگنز . بن طیشاری کیدیورم .
مساعده گزله براز فقرانک ایشنه باقیم سایه گزده بوگون
اوکمه نه قدر قباحتی راست کلیرسه عفو ایده جگم . سزه
دعا آلدیره جغم مختارده وقتیه التفانگیزی گورمش قانی
سزه باغشلام .

﴿ کل نهال ﴾

الله ۴۰۰ گزی دوات گزی باغشلاسون .

(قپلان پاشا)

« کندی کندینه »

شمدی قاری اوینادینی اویندن بنی خبره سرظن ایدر .
صانکه ایش گوردی . صانکه مختاری قورتاردی . اوده
نم نصل انتقام آرادینمی بلمیور .

﴿ قپودان چیقارکن گری دونه رک ﴾

بشقه بر امرگیز وارمی ؟

(عصمت)

استغفرالله !

﴿ قپلان پاشا ﴾

(چیقارکن)

قزده پک کوزل !

طقوزنجی مجلس

« کل نهال . عصمت »

(عصمت)

انسانک بو قدر اذیت چکوبده اولمیه جکنی بلمزدم .
دادی نه یاپدک ؟ بن بوندن صگره مختاره یولده راست
کلسه یوزینه باقدینم انده محو اولورم .

(کل نہال)

صوص ! جانوارک دیشلرینی سوکدک انشاءالله
یقینده جکرینی سوکرز .

« برده اینز »

﴿ ايكنجى پرده ﴾

(حكومت قوناغك عرض او طهسى)

(برنجى مجلس)

قىلان پاشا) ايكى طرفنده يالين قليج ايكى جلاد) حلمى
افندى . زينل بك . شمس الدين بك . بهرام بك . ذوالفقار
آغا . قره ولى . سكبائزر . اصحاب مصاح . (صكره)
برقارى ايله ايكى چوچوق .

﴿ قىلان پاشا ﴾

بو- ريفنه استيور ؟

« ذوالفقار آغا »

حرمندن شكائى وارمش اقدم .

﴿ قىلان پاشا ﴾

يارين محكمه يه كوندرك . افندى ايجابنه باقار .
اونيچون زنجيره كيرمش ؟

(قره ولى)

جلاد طيار قوالكزه يالانجى ديمشده

﴿ قىلان پاشا ﴾

طياره وير ديلنى كسكده نيم ادمه يالانجى ديمكى
او كرنسین .

« محبوس »

امان اقدم . پادشاه باشيچون اولسون .

﴿ قیلان پاشا ﴾

کوتور کوپکی . باق ! ضابطه قارشى طور یور .
« حلمی افندی »
افندم احسان بیورک .

﴿ قیلان پاشا ﴾

ایشته محکمه یه کیده جک ایشی سزه کوندرک آ!
بورانک ضابطالکنی بدن صورر لر ... او کویله لریک ایشی نه
ایمش ؟

« ذوالفقار »

افندمزه عرضحاناری وارمش . مرحمتکزی نیاز
ایدیور لر .

(قیلان پاشا)

ارتق شماردیله فساد قالدیر منغه باشلادیله . طیاره
سویله ده شونلری سوقاق باشلرینه آصسونلر مملکت بر قاق
کوندر شناک کورمدی .

(اختیار کویلی)

ذاتی ایکی سنه در قادینلر مزك چوجوقلر مزك سایه گده
اچلقدن ایکیه رک اولدیکنی گوره گوره نشامغه طاقتمز
قلماشدی . هیمز اولمکه قرار ویردک شهید اولمنی
اوزلدکده بورایه انک ایچون کلشدک . یوقسه سندن کیم
مرحمت اومار ! اللهه شکر اولسون مرادمز یرینی بولدی .

يارين محشر ديوانده كوروشورز .

﴿ حلمى افندى ﴾

افندم بونلرڭ قتلى موجب اوله جق نه جرملرى وار ؟
استدعايه كلشار . مرحمت قوسى قپاندىمى ؟

(قپلان پاشا)

بورانك ضابطلكنى بندن صورارلر ديدك آ ! اوزر-
كزه لازم اولميان شيلره قاريشيورسڭز .

(برقادين ياننده ايكي چوجقه ايجرى كيرر)

قادين نه ايسترين ؟

« قادين »

افندم عزيز باشڭز ايچون اولسون . شو ايكي
چوجوغه مرحمت ايدك ! بابالى يتيم قالديلر . اليمده نه
وارسه صادم . هپسى بندى . طاشدن بصدقه كولدن
دوشكده ياتورز . دوندنبرى آجز . قوجهم سڭز ايدر
زندانه ازا- ايدگده ينه كوله گز قولڭز اولسون .

﴿ قپلان پاشا ﴾

(ذوالفقار اغايه)

حريفى نيچون حبس ايتشله ؟

« ذوالفقار اغا »

﴿ قادينه ﴾

كيمدر قوجهك ؟

(قادین)

ترزی مصطفیٰ .

(ذوالفقار اغا)

بیاہ میورم اقدم .

« قرہ ولی »

زوربادر ہانی قہودہ اتماکر خمیر چیقیور دیہ شدیدہ
طوتمشدق یا .

﴿ قیلان پاشا ﴾

وای اوملمون دھا صاغمی طورییور؟ سکز آیدر
بشاہور اویاہمی؟ شمدی زندانک اوکنده بوینی اورک .
شوکیوپی دہ یانی باشنہ آسیورک . بورایہ زورباقاچرمغہ
ککش . شویلان یاورولرینیدہ ازک! یشاتمیک! بوپورلرسہ
انلردہ بابالری کبی اولور .

(قادین ایاہ چوجوقلر فریادہ باشلار)

(سکبانلر اوچنیدہ سورکلیہ سورکلیہ)

(دایشاری کوتورر)

(حلمی افندی)

سزک بوکون اجل دوداغکزک اراسندہ اوطوریور .
ذہنگزہ برشی طوقمش . ہیج اتماک خمیر چیقیور دیان
آدمک بوینی اورولورمی؟ ہیج قوجہ سنی حبسدن چیقارتتمق
ایچون یالوارمغہ کلان قادین آعیلیرمی؟ ہیج التی یاشندہ

معصوملارك جاننه قییلیرمی ؟ ارتن الی الله ! مملکتده نه قدر
آدم وارسه هپسنی می اولدیره جکسکز ! شریعت طرفدن
امر ایدیورم . شمی اولومه کوندر دیککمز مظلوملارك
هپسنی بردن براقه جقسکز . شمدی !

﴿ قیلان پاشا ﴾

حریف سن اجلکه می صوصادک ؟ اوزرینه لازم اولیان
ایشاره قاریشمه دیدم . اکلامیورمیسین ؟
« حلمی اقدی »

سنی الله دشمنی پادشاه خائی ! دلیک بن ده که یانکه کایورم ده
کوزمک اوکنده بو قدر بناء الله یقلمدیغنی کوریورم .
مجلسکزه لغت اولسون قوناغکده سکاده . یاربی !
شو خائی سیف عدالتنه حواله ایتدم . شریعتیکک عزتی
ایچون بو قدر مظلومک حقنی اوزرنده براقه !

﴿ قیلان پاشا ﴾

بن سنک یقینده صقالکی قانکه یبقارم .

(وجوهه)

سز نه طور یورسکز ؟ ایشیمیده سزکه مشورت می
ایده جکم ؟ بکا چاتلش قاشلریکزی . صارقن برونلریکزی .
دیکیلی اغزلریکزی گوسترمکه کلمیکزی ؟ جیم اولک
شورادن صاغلم حقیچون هپکزی یرم . هپکزی
قهر ایدرم .

(وجوہ یرلرندن قالقوب چیقمنغہ باشلار)

« زینل بک »

(پاشایہ ایشتدیرہ جک صورتدہ شمس الدین بکہ)

بوگون بتون بتون چلدیردی .

[شمس الدین بک]

« زینل بکہ »

نہ وقت عقلی باشندہ ایدی کہ بوگون چلدیرسن ؟

ایکنجی مجلس

قیلان پاشا - صکرہ بر سکیان

« قیلان پاشا »

آہ ! چلدیرمش دیسنورلر . تحقیر ایدیورلر ..
گوکلده کی خشم طور یور طور یورده پنجره لری قپالی
اوطده صیقلمش علو گبی پاطلیور . سوندرمکه قان
ایستر . قان ... قان ... کل ! ... کیسه یوقی ؟

(بر سکیان گیر)

قوییه بوگون نه قدر دعواچی کلدیسه سویا هپسنی اولد .
یرسونلر . صورمه سنلر . سویلتمسنلر . برنی صاغ بر اقسنلر .
آہ ! نهم اولومدن بشقه بر شی دوشونمیور . ینه
جاتی یا قہ میورم . چونکہ الیمده آندن قوتلی آلم یوق !

عصمت یوزیمه قارشی اغزینده کلان ادبسترلیکی
ایدیور . ینه دیلنی چکوبده قوباره میورم . چونکه
انتقامه او خدمت ایده جک !

خلایق نی الدادیور . بنامه اکلنیور . ینه گولشنی
حسب ایزمیان دوداقلزی سونجندن اینجه اینجه اوینایان
یناقلزینی قوباروبده صورتی اتلری دوکلمش صیریتغان
کله یه بگزه ده میورم . چونکه عصمتی او قاندریور !

حاکم اوزیمه لعنت او قوبور . پنجه می اتوبده
غیرتلاغنی یرندن سوکه میورم . سوکسه می یاری مملکت
« عاصی اولدی » دیه اوزیمه قالدی جق . بکله حقارت
ایدیورلر . باشلرینی ایانگ الته الوبده ازم میورم . چونکه
هر برینک یولنده اوله جک قدر بدلا اوچ بش یوز
ادمی وار . مختار الهجم قزک یاننده طوتیلور .

آه ! ... آز قالدی آنی اونوده جقدم . طیانسون
گوکلده نه قدر کین . نه قدر غضب وار ایسه اتلری
هپ انک باشنه دوکیله جک ... زهرلری هپ آنک
یورکنه طوله جق .

اوچنجی مجلس

قپلان پاشا - قره ولی

(قپلان پاشا)

ولی !

(قرہ ولی)

اقدام .

﴿ قپلان پاشا ﴾

بورایہ کل باقمیم ! دون مختاری طوتدک دکلی ؟
اغلاذیغنی . باغردیغنی . یالواردیغنی . یرلره قپتدیغنی
کوردک . اویاہمی ؟ نہ بختیار اعشسن .

(قرہ ولی)

ظنکز بتون بتون یاگلش ! اغلامق . باغرمق یرہ
قباقمی ؟ بزى کوردیکی کبی یرندن فرلادی . قلیجنہ
صارلدی . ارسلان کبی کوکرہ مکہ . اژدرها کبی اغزندن
انشار صاچمه باشلادی .

اویاہ بر خشم گوستردی کہ اک کوندیکم یگتارک الی
سلاحلرینک اوستندہ سسلار پیدا ایدیوردی برکت
یرسون اورادہ یارہ لیرسہک عصمتکدہ اولہ جگنی
دوشوندی دہ کندینی تسلیم ایندی . یوقسہ یکرمی اوتوز
کینک قانی ایچدکچہ اله کچیرہ مزدک .

﴿ قپلان پاشا ﴾

آہ ! خنزیر آندہ دہمی بیوکاگنی گوستردی . بن
آکا شمہدی کوکرہ مکی اوگرہ دیرم . بن آکا شمہدی آتس
پوسکورمکی گوستیرم . کل !

(اوڤه يه گيرن ايکي سکهانه)

سويابه مختاری بورايه کتيرسونلر .

« قره ولی »

دولتلی . بزم بايرام کوله گيز وار . هانی قرداشمک
اوغلی . لندن بر قضا حيقه شدی . هانی زينل بکک
چيفته گنده بر رنجبرک اوینی ياقمشدی ده ايچنده ايکي
چو حوقده يانمشدی . آنک ايچون قاضي آصلمسنه اعلام
ويرمش .

اويابه بر يکيت قولک بر قاج تحتته پارچه سيابه ايکي
قورد ياوريسي ايچون آصلسونمی ؟

(قبلان پاشا)

زينل بکک چيفته گنده آدمی ياقمش ؟ پک آعلایتمش
کاشکی بتون بتون چيفته کي ياقیدی . ذوالفقاره سويابه ده
بوگيجه قاجير يورسون .

دردنجی مجلس

قبلان پاشا . مختار بک

(مختار بک الی کلپچده . اياغی بوقاغیده کلیر . هيچ)

(قبلان پاشانک يوزينه بيابه باقمسزین برکوشه يه کچر .)

(اياقلرینی اوزادير اوتورر)

﴿ قېلان پاشا ﴾

عجه مڭ اوغليسڻ . دنيا ده سندن يقين كيمسه م
 يوق . بن گوزمى قپاسه م بودولت . بوملكت سكا قاله جق .
 برطاقم ادبى نك باشنه كچوب ده بنم اوزر يمه زوربا قالدير مق
 سكا يا قيشرمى ؟ اوتانمزميسن ؟

﴿ مختار بك ﴾

اوتانمزمسن سن كه هم عجه نك اوغلكى قاتلار گې
 زنجير التنده طوتيورسن . كندى ايجاد ايتديك يالانلرى
 كرجك گې سويلمكدن عار ايتيورسن .

﴿ قېلان پاشا ﴾

سن زوربا قالدير مغه قالقشمكد ده چاغردقلى وقت
 نيچون سلاحه طوراندىك . كيمك امرينه قارشى طور ييور -
 سن ؟ بوراده حكومت بنم اليمده اولديغنى بيلميور ميسن ؟
 « مختار بك »

كىمى چاغرمشلارده سلاحه صارلمس ؟ قرهولى كې
 بركوپك بنم سلاحلرىمى ايستمك بنى حبسه قالقشمق بنم
 فعلمه قصور بولمق حدىميدر ؟

﴿ قېلان پاشا ﴾

قرهولى بنى سكا بن گوندر دم . سويلدىمى ؟

﴿ مختار بك ﴾

سن سلاحلرىنى آل ! حبس ايت ديه مى گوندردىڭ
 اوله گوندر دكسه سن ده ...

(قیلان پاشا)

« لقر دیسنی کسدرک »

صوص ! کوکلمده کی اتشی علوندیرمه ! ایتدیگ
 خانئک میدانه طور یور . سن ینه بیوکلکی کندگمه
 گور . ایشه سنی عفو ایدیورم . وار حرم عصمت
 خانم اقدی به دعا ایت . ! سن انی بو قدر از دیردک .
 بو قدر ناموسنی لکه لکه چالشدک . اوینه کادی . رجا
 ایتدی جانکی الیدن قور تاردی .

« مختار بک »

آه ! قانلی اذردها ! دنیانک اڭ کوزل چیچکنی
 نفسکله صولدیردک . اوله می ؛ شمدی بنم نیچون زنجیرلر
 ایچنده بوندیغمی اکلا یورم . پادشاهک بر قوجه مملکتی
 خراب ایتدک . دوکدیک قانلردن اجلی اوتان دیردک .
 اولدیردیک ادملردن قره طپراغی بقدیردک . شمیدیه
 جانلری براقدک کوکلرله می اوغراشیورسن ؛ شمیدیه
 قبر عذابنی یروزینه می چیقارمغه چالیشیورسن ؛ شمیدی ده
 جهنمی دنیا به کتیره کمی ایستیورسن ؛ خنزیر ! ... بنم
 جانیمی باغشلا به جقسن ؛ عقلکی باشکه آل ! بالله شواللرم
 زنجیردن قور تیلیرسه پنجه می قارنکه سالار . جکرکی
 قوبار یرم . ایکمزدن بری دنیا به چوق کایور . بن صاغ
 قالجه یرک دینه کیرسهک . شیطانک قولتغنه صاقلانسک

ینہ الیمن قورتیہ من سن . سنی باللہ کبردیرم واللہ برکون
بشاتم .

(قیلان پاشا)

(بشاشت و ممنونیتاہ)

چلیر ! چلیر ! دیشکلہ قویارہ قویارہ اوموزلریکی
یہ باقیم ! قودور ! قودور ! اللرکی قورتارمغه وار قوتکی
صرف ایتده زنجیر کیکلریکه کچسون سیر ایدہیم .
اوخ ... عاقبت سنیده بو حالده کوردم عاقبت بیوک سنی
ایمشن ؟ بنی ایمتم ؟ کوردم .

بدلا صاغ قاله جفکی ایشندکده سنی سربستجه قاپوبه
صالیورہ جکم صاندک اولیہ می ؟ قوللرک اوبوقاغیدن دهه
قوتلیر امیدنده میسن ؟

بن سکا باشکه کله جکلری سویلیہیم . کرامت کچی
بلیرم . کوره جکسن آلقردیلمک بر کله می یا کلس
چیقمز .

بن بوگون عصمتی نشانلادم .

(مختار بک)

افقدم !

﴿ قیلان پاشا ﴾

یارین نکاح ایدہ جکم .

(مختار بك)

صوص ! ملعون !

(قیلان پاشا)

بوجمه کیجه سی زفاف ایده جکم .

« مختار بك »

یاربی ! نیچون یر اچیلوبده بوخانی یوتیمور ؟

نیچون کوك یقیلوبده بوملعونی از میور ؟

﴿ قیلان پاشا ﴾

شو اوطه یی بیک درلو چیچکله تزیین ایده جکم . جنت

باغچه لرینه بکزه ده جکم . بن اوطه نك شو پنجره سنده

اوتوره جغم . عصمتی قوجاغه اله جغم . کندی قولر می انک

بویننه انک صاحب ارینی بوینه اته جغم . باشی قلبه ک اوستنه

طیاته جغم . طوینجه ذوقده صفامه باقه جغم .

سن زندانک گوشه سنده اوتوره جقسن . او مجلسی .

او دولتی . اولدتی یانگده کی دیوار دلیکندن سیر ایده -

جکسن ده کندی کندیکی بوغغه چالیشه جقسن . اللرک

بوغازینه یتشمیه جک کندی کندیکی ایصیره ایصیره ییوب

توکتمک ایستیه جکسن ده بوینگده کی بو قانغی اغزکی

اوموزلرینه کتورمگه مانع اوله جتی اللهدن بیک

کره اولمکی نیاز ایده جکسن . دعاک مقبول اولمیه جق

هذیان ایده جکسک . کفر سویلیه جکسک . جهنمک

فوجاغنه آتياہ جقسن . جهنم قوسنی اچيه جتی . اکلاد کمی ؟
ایشند کمی ؟

﴿ مختار بك ﴾

الهی اونوتدك خنزیر ... خالقکی دوشونمیورسن .
ملعون . باقلم الكده کی قانلی پچاغی یره صوقوبده علمی
دوندر مامگه قادر اوله بیلیر میسن !

(قیلان پاشا)

گوررسن . گوررسن . بر کره الیه کچد کمی ؟ دنیا
دوزمی ایمش ؟ دونغز می ایمش ؟ بن سکا اوگره دیرم
کل ! ...

(گیرن سکبان)

ینه آل کلدیکی یره گتورده راحتته باقسون . بوینه
ایاغنه زندانک الك اعتبارلی زنجیر لینی اورسونار .
اقر بامزدندر قدرینه او یاقشیر .

بشنجی مجلس

« قیلان پاشا »

(یالکنز)

اوخ ... ننه اوله جق قادین نه یلسون اولدیردیور .
مختار اولمکدن قورقار می هیچ ؟ ایشته انتقام بویله النور .
کوکسی گویا جامندی قلبی نه قدر ییلان کیریور .

جگرينه نه قدر خنجر صاپلانيور . گوردم هپسني برر
 برر گوردم . هرکون يانمه کتيره جگم هرکون قارشيمده
 ايکلده جگم ، ايچنه دوکيلان قانلر قاينادجه يوزندن کوزندن
 رنکلي علويني کوره جگم . قاينايه قاينايه دومان اولدجه
 اهندن فريادندن قوقوسني ايشيده جگم .

التنجي مجلس

« قپلان پاشا - ذوالفقار اغا »

« ذوالفقار »

لذتلي امانتقام اماجراسي قابل دکل .

﴿ قپلان پاشا ﴾

نيچون ؟

« ذوالفقار »

هان بوکيجه اولديرمک لازمکليور .

﴿ قپلان پاشا ﴾

کيمي ؟

« ذوالفقار اغا »

مختار بکي .

(قپلان پاشا)

قاطرک قرداشيميسن ؟ بومر حتمه سبب ؟

« ذوالفقار »

انک قراشی دکلم. سزک تفنکجی باشکزم. آکا مرحمت
 اینیورم. سزه مرحمت ایدیورم. حاکمک. وجوهک بورا.
 دن نه حالده کیتدکرنی بیلرسکز. امرایتدیکز آدملی
 آزدیلر. بتون مملکتی بر ایکلدی بوردی. کیمسه لقردی
 سویلدی. لکن هرکسک نفسی کو کسنه صیغمیوردی کندی
 کندیلرینه قالیرلرسه سایه گزده هیچ بری بر خلط ایده مز
 قولرک یولکده اولمکه حاضر طور یورلر. فقط کجه
 حبسخانه نی باصه جقلر مختاری قور تاره جقلر ایش. او وقت
 بتون مملکت یرندن اوینار. خلق اره سنده نه قدر شهرتی
 وار بیلرسکز. سکبانده امنیت اولنه مز. یاریسندن
 زیاده بی یکی ییل اول باباسنک خدمتده ایدیلر. بونلر بدلا؟
 کیمی طوزاتمک دوشونور. کیمی ایلاک صایار خدمتی
 باشمزدن طاغیلیر. صگره مملکتی نه ایله ضبط ایدرز.

[قیلان پاشا]

حریف نی انتقامدن محرومی ایده جکسن؟ نه
 یابارسه ک یاپ؟ بر چاره بولده مملکتی ضبط ایت!

﴿ ذوالفقار ﴾

آ ولی نعمتم! ممکن دکل. بتون مملکت آیقیرسه
 سکبانہ امنیت اولمز قولگزن نه یابارم؟

(قیلان پاشا)

ایستدیکم نه در؟ بیلمیورمیسن؟ قاطر ایکی ییلدیر

بكا چكديرديكى اذيتلرڭ جزاسندن ايكي دقيقهده
قورتياھجى ..

بوكا بر چاره ... بر چاره ... ايسترسهك اتكگي
اوپهيم . شونك بر قاج آي اولسون عمرينى بكا باغشلا !
« ذوالفقار »

بن سزك اياقلىرىكزى اوپهيم . دعوا كزده مصر
اولميك . سز آندن انتقام الموق ايستركن اوسزندن هم
مسندكزى الهجى . هم عصمتى . سز حالا اكلنجه كزى
دوشونيورسكز .

﴿ قپلان پاشا ﴾

آه ! نيچون مملكتنك ضبط وربطنى سكا بر اقدمده
كندم باقدم . شمدي البته بر چاره بولوردم . سنكده بنم
قدر يورگكده كين اولسه البته بر چاره بولورسن !
(ذوالفقار)

بنم افدى مى خشنود ايتيكه آرزوم سزك كينكزندن
زياده در . لكن چاره يوق . سزده اولسه كز چاره
بوله مزسكز . مراديكز انتقام ايسه آلتى آيلق اذيتى التى
ساعتده ايدمه مزيسكز؟ .. سزه وجودكز لازم دكلى ؟

﴿ قپلان پاشا ﴾

آه ! حكومت ! حكومت ! .. انتقامندن طائلى
ايشين . ينه گوكلده ينار طاغىر طوتيشيور . جگرم

یرندن قویاجق . چاتلایه جغم ...
باری اقشام اولمدن بر کره دها گوره یم .

« ذوالفقار »

اوقولای . اوقولای ...

(پاشا چیقار کن)

آچق ! ... وحشی حیوانلر کبی نه آلهدن قورقار .
نه قاندن ییلار . یالکمز کوزینه بر کولکه کوسه تردکمی ؟ تیرل
تیرل ترمکه باشیلار ، سن قاورول ! مختار قورتلدی .
اوده ان شاء الله از کون ایچنده مملکتیده قورتارر .

(پرده اینر)

« اوچنجى فصل »

(زندان)

(برنجى مجلس)

مختار بك (بوينده لاله . الرنده بوقاغى اياغنده زنجير .
بركوشده اوطورر) حاجى خسرو . راشد . سليم . جافقو .
مستان .

« برقچ محبوس »

« حاجى خسرو »

مرحبا سليم ! نواسن اوغلم ؟ اييسن ؟ اللهمك بلاسى
طوپالاقى ... نى اون كوز اوطةدن چيقارمدى . چپس
ايچنده چپس ! ... يته آدملىر دكشمش . اوتته كيلر نزه يه
كتدى ؟

(راشد)

بوياشانك زمانده آدم چپسدن نزه يه كيدر ؟
آخرتدهكى اقربالرينه قاوشمغه كتديلىر .

﴿ حاجی خسرو ﴾

زوالی دلی قانلیسر ! ایچلرنده احمد کنج ایدی .
 قباحی کچرکن کولکھسی ولی اغانک بارکیرینی اور کوتمش .
 چو جھانر ہیکنز بورایہ کلیورسکنز . بورادن زاحتجہ
 مزارہ کیدہ یورسکنز . بونلہ یالکنز نی اونوتدینر . ایکی
 سندر برینک کوزلرینده راست کلیورم . کرچک خاطرہ
 کلدی . پاشا دھا یکی آلیاہ قوناغہ کیدرکن آباغہ قالمتی
 استیوبده بوخزیر طوپاناقدن یرہ یواندیغ وقت « آلاک
 شو بوناق حرینی زندانک برطرفہ کومک » دیمشدی یا .
 بونلر وارایسہ نی گرچکدن گوملمش صانیورلر .

(مختار بکہ)

زوالی آدم ! سنک بویاہ کویلی انہ دوشمش تاکی
 کبی ہرطرفی نیچون باغلا دیلر ؟

(مختار بک)

یقل اورادن ایشکہ کیت .

« حاجی خسرو »

... بودہ اقسرینی جنلی برحریف .

﴿ سلیمہ ﴾

سلیم ای اوغل ! بوکیم ؟ آدمہ صالیور . یوقسہ
 بوراسنی تیمارخانہ می ایتدیلر ؟

(سلیم)

صوص ؟ ! اوختار بك . باشانك ۶جهسى اوغلى

« حاجى حسرو »

ماشالله بکلرده مى زندانه کیرمکه آلهدى . الله
ویرسون بر قاج کون بزمله برابر او تورسونلرده آلهرینه فرصت
کچنجه غضب ایتدکلری آدمی کوندردکلری بر نصل
یرمش او کونسونلر ،

﴿ راشدہ ﴾

صاریشین دلی قانلی ! صباحلین هانکی نخوستک
یوزینه باقدک ؟ بورایه کلدک ؟ اونه قدر کدرلی طور یور-
سن ؟ بوندن صیقیه جق نه وار ؟ یرایکی کونه قدر قونک
او کونه آصارلر . قور تیلور کیدرسین . بونلر یالاکز بکا
طوقونزلر غالباً نظر بونجی یرینه قویمشار .

﴿ راشدہ ﴾

اختیار ! سن اکنیور میسن ؟ عرضی الیرینه تسلیم
ایتمد بنی آنک ایچون بورایه آتدیلر . حبس ایتدکلری
کیجه اویمه زورله گیرمشار . حریمک اوزرینه . وارمشار .
بیچاره قادین ناموسلی ایدی . تسلیم اولمامش پارچه پارچه
ایتمشار . بو یاشده سن دنیاده بدن طالعمز کیمسه ایشیتدکمی ؟

[مختار بك]

(کندی کندینه)

حرمی یولنده جان ویرمش ینه کندینی هر کسدن

طالعمر صانیور! یابن کندمه نه صفت بوله یم؟ عصمت!
عصمت! سندن بو خیاتی کیم مأمول ایدردی؟

[جافقو]

« حاجی خسروه »

آق باباجم! نظر دکسون قارغه گبی سکیورسن .
بالاشمغه چالشیورسه ک زحمت ایته! ایشته ایانگه کدم.
نمده نیچون حبس اولدیغمی می مراق ایدیورسن؟ بن
اوبله پاشانه آیانغه قارقارکن یوارننلردن یاخود برضابطک
بگنه چکی قاری بی آلانردن دکلم . هیچ اوزله! بن
کندیمی وقتیه اویدیرمشدم بو جافقو یوقی؟ بن ...
پاشانک طوتار الی قره ولینک گورر گوزیدم .

بر آدم ایچون عزرائیل چاغریله جقمی؟ دعوتیچی
بن ... بر اودن قز قالقه جقمی؟ کاین المغه کیدن بن ...
بر یر صویوله جقمی؟ قلاغوز بن ... هله او صویومق
یوقی؟ پک مراقدی . هیچ او صویدینک وارمی؟
او نه آدم اورمغه بگنرز . نه قز قالدیرمغه . قارشکده
نه سلاح وار . نه چغلدی ...

بر قرانلق گیجه سپرسن . برده او بگنرسن . یا
دیواردن اشارسن . یا طامدن اینرسن . آغالر ایچریدم
نازی نازی او یور . سن باشلرسن گوزینه هر نه ایلشرسه
برر برر طوپلامغه . بریسی او یاندیمی؟ کوکسنه بر بچاق

صاپلارسن . اولور گیدر . لکن اصل بلایی او صویمه دن
چیقاردق . بو یانه ده بر اوه گیره جک اولدق . بر درلو
الدیغمز پاره ایله ولی اغایی طویورمه مدق . الله سلامت
ویرسون . ایی آرقداشدر ، آدمی قوللار . لیکن کوزی
طویماز الیزه بر قاچ غروش کچه جک اولدی . یاریسنی
ویردکینه قاندرمه مدق . مبارک هپسنی بردن کندینه المق
استر . کویلی خنزیرلریده « مختار ذخیره سنی صاتمشدی اوه
یاننده ایکی یوز ربیعه گوتوردی » ديه شهادت ایتسونلرمی ؟

(مستان)

(جاقونک بوغاینه صاریله رق)

وای ! بو یانه مختارینک اوینی سن صویدک . او یله می ؟
حیدود ! کموش صرمه صقاللی قاین آتامی سن
اولدیردک . او یله می . ؟ قاتل ! یتیشک ! جان قورتاران
یوقی ؟ بوراده خرسز وار بوراده قاتل وار .

ایکنجی مجلس

اولکیلر . رضوان

﴿ رضوان ﴾

یولارینی قوبارمش بارکیلر کبی نه بر بریکزه
کریورسگز ؟ نه بو ادبسنزلکر ؟ ...

(.ستان)

اڭا بوراده حیدود دوار . بوراده قاتل وار . ایشته ایشته ...

(رضوان)

سنك كيفك كاسن ديه زندانه اهل عرضاريمى آتهلم

[مختار بك]

ادبىز ! بىم بوراده اولديغى بيلمپوره بيسن ؟

« رضوان »

(طرفدارانه برنظرله مختار بىك يوزينه باقرق وهىچ

پرشى سويابه ميهرك)

(محپوسلره)

هايدك باقرهلم او طه لر كزه ... بكا طيارى چاغرتىك .

ينهك ضعفكرك وجودندن يارم او قه چوريمش ات دو كيلور .

(محپوسلرك كبرديكى قوينى كىلديلهرك پنجره يه قوشديغى

صرده كبرديكى قپوچالتمغه باشلار)

اوچنچى مجلس

مختار بك - رضوان - صكره زينل بك

« رضوان »

(كندى كندينه)

اللهك خشمه كل ! كيمدراو ؟

طيشاريدن برس

آچ قپویی افندمزك امری واردر .

« رضوان »

(قپویی آچهرق)

نه ایسترسن *

« طیشرکی سس »

بك افندی ایچری کیره جك . مختار بکله کوریشه جك .

سن ده یانلرنندن آرایه جقسن . امر بویله در .

« رضوان »

فرمان کندینک . بیورک .

(زینل بك)

بردن زینل بك ایچروکیروب مملکتدن چقمقی اوزره

مختار بکک عفونی تبلیع ایلدی .

« رضوان »

نه سبيله پاشا ؟ عفوایدیور .

(زینل بك)

اهالیئی مملکت پاشانک ایاقلرینه قاپانوب مختار بکک عفونی

طلب ایلدیلر .

(زینل بك)

بزوجهنمده قیاندق . سکاھر کسک بو قدر محبتی اولدیغنی

بیامزدم . یالگیز دوستک بن دکلمتم . مملکتدن چقمق

شرطيله سنی براقیور . صاغ اولدقدن صگره الهک دنیا سنده

اوتوره جق یرمی یوق ؟

حریفك مناسبتسزلكنى سیر ایتكه « او اولمكى قبول
ایدرده بورادن كتمز » دیور . بنی بدلا كبی بورادن
کیدرمیسن ؟ دیه صورمغه كوندردیلر .

(مختار بك)

سنده البتة چیقارم ظن ایتك بورایه اویله كلدك
دكلی ؟

(زینل بك)

بونده ظن وارمی یا ؟ بزم مملكتك زندانی ده دنیانك
هریزندن اعلامیدر ؟

« مختار بك »

پلمم ؟ شو قدر واركه بن نه پاشانك عفوینى قبول
ایدرم نه بورادن بریره کیدرم .

(زینل بك)

عفو لقردیسی می طوقندی ؟

(مختار بك)

استدعا دینلسه ده ینه اویله

❖ زینل بك ❖

برادر دوشون . حریف بوگون هپمزه سویلندك
سوز . ایتدك حقارت بر اقمدی . ینه كتدك ایاقارینه
قباندق . تپه مزه چاریان ایاقاری اوپمك عمر مزده بر کره

باشه زه کلدی . اوده سنک ایچون .

« مختار بك »

الله الله ! بن سزدن وساطت ایستدیمی ؟ چکدی کلم
یتشمیورمش کبی اراده برده منت پیدا اولدی .

(زینل بك)

منت دکل بکم ! حیاتک جلاد النده طورییور .

(مختار بك)

هانى الله اوکونلری کوسترسه .. بلانک اولومدن
بتری وار انی چکه جکم . ینه دیدیکگنز اولیه جی ...

[زینل بك]

دیمک که سن زندانلرده . مزارلرده چوریمکی زهننگده
ایجه قرارلشديرمشک . بر عنادکدن دوندیکنکی
بیلمیورم که اوغراشهیم .. بکا حواله ایده جک بر ایشک
یوقی ؟

(مختار بك)

خیر .

﴿ زینل بك ﴾

تحف شی ! چفتلکرینه کیم باقه جق ؟ قوناغک
نه اوله جق ؟ آدملرک نه پابه جق ؟

(مختار بك)

هپسی بردن کرداب کبی دونه دونه یزک دینه کچسن

(زینل بك)

هیچ اولمزسه باشکه برقاچ یوز کشی طویلا ! زندانی
 باس ! دی ده یاپه میه جق اولسه م بیله نی آدم ظن
 ایندی کی بیله میم .

(مختار بك)

مطلقا بکا بر خدمت ایتک می استیورسن ؟

(زینل بك)

اوده سؤالمی ؟

(مختار بك)

یا لکز بر خدمته احتیاجم وار . لکن اذ-سانیتکی
 تجربه یه حکمک استمیورم .

(زینل بك)

شمدی چاتلایه جنم ... عصیانمی ایدیم ؟ کنیدی می
 صدیره می ؟ نهم وارسه راست کلنه باغشلا میم . الیمه بر تقیر
 الیم . غزل او قویه زق سوقا قله می دوشه می ؟ اسکی
 جامعده یاتان عرب کبی ییلانی یه می ؟ مقصودک نه ایسه
 سویله ! باقه لم یاپه بیلیرمی یز .

(مختار بك)

طبایحه لرك طولودر آ ؟

(زینل بك)

تالی قورشونله طولو ... بوزمانده بوش سلا حله
 کز بیلیرمی ؟

« مختار بك »

(اليه قلبنه اشارت ايدرك)

بريني شورايه بريني ده شورايه صيقه بيلبرميسن ؟

[زينل بك]

(حيرتاه بردن بره گري چكياهرك)

چلدردكمي سن ؟

(مختار بك)

ها ! عفو ايت ! خاطر مه كلدي . صگره سني ده

اولديررلر . (زينل بك)

شمدي كيم كندي اوله جگني دوشونيور ؟ آنامزك

قرندن دوشديگمز گوندن بري برلكده بيودك .

بر برمزدن عمر مزده بر كره اينجمنديك بويلاه برارقداشي

هيچ سببي هيچ لزومي يوق ايكن بر طبانجه يي انه بر

طبانجه يي قلبنك اوستنه طيايوبده شقا ايدر كجي قولايجه .

زاحتجه اولديريويومك ! والله طيار كده الندن كلز .

﴿ مختار بك ﴾

اويلاه ايسه هايدى دفع اول .

(زينل بك)

بو حقارت جلادلني قبول ايتدك ديهي ؟

(مختار بك)

دفع اول ديدم آ . تعجيز ايدويورسن .

[زینل بک]

بک ای . ایشته گیدیورم . لکن بن ینه کلیرم . هر
گون کلیرم ... سیکرلرک دائما بویاه آغستوس گونشنه
راست کلش بیلان گبی حدتندن بو گولوب طورمن آ ؟
(زینل چیقار)

دردنجی مجلس

مختار بک . رضوان . (صگره) عصمت . کل نہال
« رضوان »

(قبونی کلیدلکدن صگره پنچره یه قوشاراق)

شکر . بر تنها وقت بوله بیلدک .

(پنچره دن طیشاری)

بیورک ! کیمسه یوق . نردبان کنارنده کی اییچه

طوتک ! بر آباق دها ! الکزی بکا ویرک . یاالله !

« عصمت کیرر »

« مختار بک »

عصمت ! او ...

« رضوان »

باق سز نه اعلاچیقورسکنز . ویرک الکزی : حوپ !

(کل نہال کیرر . رضوانه برکیسه التون ویرر) برکت

ویرسون . بن قیونک اوکنده یم . بری کله جک اولورسه کلیدی

قارشديريرم همان نردباندن فرلاملى . الله عشقنه كیده جككئز
وقت بكاخبروير مامزلك ايتيك . صكره وجودمك هر
پارچه سنى بركوپكه لقمه ايدرلر .

(كل نهال)

هايدى ! هايدى ! سنى تلف ايتديررسك اليمزه نه
كچه جك ؟

« رضوان »

ايشته كيديورم . اناختارسنى خاطر كردن
چيقارميك ها !

(رضوان قيودن چيقار . دها قيوبي قيامه دن عصمتله)
(كل نهال مختار بكة طوغرى قوشارلار . زندانك ياريسنه)
(كله دن رضوان اناختارى كليده اورر . كل نهال عصمت)
(پنچره يه طوغرى . قوشارلار)

(رضوان)

(قيودن باشنى صوقه رق)

قورقياك ! كيمسه يوق . قولگزده طوره جتميسكز ؟
طورميه جقميسكز ؟ اكلامتى ايچون مخصوص يادىم
(كل نهال)

هاى قهر اول ! اكلنه جك زمانى بولدك ؟ قايه قيوبي
(رضوان سرعتله قيوبي قيار)

بشنجی مجلس

« مختار بك . عصمت . کل نہال »

(عصمت مختار بك اوزرینہ قوشار . جندن)

(براکہ چقارر النده کی زنجیری کسمکہ باشلار)

(مختار بك)

نہ یاپورسگنز ؟

﴿ عصمت ﴾

عصمت سنك الكى باغلى گوررده زنجیرینی کسمکہ

چالشمقدن بشقہ نہ یار ؟

[مختار بك]

(کل تہورلہ یزندن فرلایہرق)

گری ! ... نوردن دریلی ییلان ! گری ... گونش

قیقتلی عقرب ! گری ... قیلان پاشا قاریسی !

﴿ عصمت ﴾

اوف ... شو طپراق آجلسہدہ یرک دینہ کچہ بیلسم.

« مختار بك »

آد ! عہدیکی بوزدک الویرمدی . سوزکی قیردک

الویرمدی . سیگرلرمی . طمرلرمی بیك پارچہ ایتدک

الویرمدی دہ بشقہ سنك نشان یوزوکی پارمغندہ طوران

خانن اللرکله زنجیرمی کسمکہ کلیورسن . اولیامی ؟

(عصمت حدتاه يوزيكي پارمغندن چيقارر . يره چارپار .

اياغنىڭ التە چكەنمە يە باشلار)

(كل نھال)

(كەندى كەندىنە)

ياربى ! سكا صغندم . بن سبب اولديغىمى قزىڭ

خاطرېنە كىتىرمە !

(مختار بك)

(آجى آجى گولەرك)

خانم المنس ايچون قوجە يە وارمديغى گوسترييور .

خانم اقبال عاشقى اولمديغى اكلاتتى استيور . خانم دنيانى

قپلان ياوريلر يە طولديروب دە اولنجه يە قدر افتخار ايدە جك .

آه ! قوجەڭك طوقنسه طوقنسه وجودمە طوقنە

ييليردى . سن وجودمە انسانلغىمى محو ايتدك . جانمى

اولديردك . شمدى كيررسم سنك ايچون گيره جكمى

يىلدگە ھەر گيجە خيال قانلى كەفنىلە باشنىڭ اوچنە

كلە جگىنىمى دوشنىڭكە پارە صرف ايتمشسن . آدم

طوتمشسن . صقندى چكمشسن .

(كل نھالى گوسترەرك)

شيطانكى يانە آلمشسن نى قور تارمغە كليورسن ؟

✧ عصمت ✧

الله عشقنە نى دكە ..

« مختار بك »

یوق یوق اوله جگم . اللهك حضورینه گیده جگم .
 ایندکرینی بر بر سـویله به جگم . انساندن شیطانہ سجده
 اینتك قدر ملعون ایشلر صادر اولدیغنی اثبات ایده جگم .
 الیمن کلیرسه هر گیجه یا انکز قانلی کفنله دکل جهنم
 علوندن قلیجار غیا قیوسونده کی اژدره اادن قرباچارله
 یتاغنه کله جگم . قورقودن تتره به تتره به هر کنگنی آری
 آری اریده جگم . کئزدن . مشقتدن بتون وجود کی
 قلبك گبی ایرین کسه جگم . اگلا دکمی ؟ جان جلادی !
 اگلا دکمی ؟ قیلان پاشا قاریسی !

(عصمت)

(ایاقورینه قانه رق)

الله عشقنه مرحمت ایت !

« مختار بك »

گری .. باشکی قلم گبی یوز بیك پارچه گورمک
 ایسته مزسه کگری چکل ! یوزینی قوجه نک چهره سی
 گبی قان ایله طولمش قربان چقورینه بگزمک ایسته مزسه ک
 گری چکل !

﴿ عصمت ﴾

آه ! باشمی ایاغنك آلتنه آل خردو خاش ایت !
 یوزیمی پارچه پارچه ایتده کوپکله آت ! باجانم دن طوت

وجودمی یردن یره چارپ ! صگره پنچره دن اشاغی
 فرلات ! جنازه می گورن نه مخلوق اولدیغی بیلمسون .
 ایسترسهك اتلریك اووچ قدر ایکی پارچه سنی بر یره
 کتیرمك ممکن اولمسون . تك سن شو زنجیرلرکی کس !
 تك سن شونردباندن این ! تك سن شومملکتدن چیق !
 تك سن سلامتله شو بلادن قورتل ! آه سنك جانك
 محاصره ده حالا اغز کده بنم لقردم گزیور .

(مختار بك)

(کمال حدتله)

شمدی کندی کندی یه جگم . . . هم بشقه سنه
 نشانلنمش قارشمده طور یور . هم بکا جانکی قورتار
 دیور .

﴿ عصمت ﴾

(شدتله)

سنی قورتارمقندن بشقه بر شی دوشوندمده
 نشانلاندیم

(مختار بك)

الله ؟ قهار اسمك نه گونه طور یورده دنیالری
 بر برینه چارپه چارپه پاره ملیور ؟ جلالك آتشك سوندی می که
 یرلری کوکلری علو دریالرینه غرق ایتیمور ؟
 نی قورتارمق ایچونمی نشانلاندك ؟ بنم وجودمده کی

توقش اتار قوری کینکر مزاره گیر مسونده اتدن مزارده
 طورسون دیه می بو خیاتی اوزرینه آلدک بنی قوجانک
 زنجیری آلتنده ایکتمک ایچونمی قورتاره جقدک ؟ بنی
 قیلانک قوجاغنده اوتوروبده کوله کوله اکنه اکنه
 اولدیرمک ایچونمی قورتاره جقدک ؟ کیت ! کیت !
 شمدی دنیاده کیمسه نک گورمدیکی شیرلی گورده جکسن .
 (شدتاه او طه سنک قپوسنه کیدرکن)

یاربی ! ایمانم سکا امانت بو قزینی ملعون ایده جک .
 (قپوینی ایکی ایله اورازق اچار . ایچری گیرر . قپوینی
 ارقه سندن قاپار)

[عصمت]

دادیچم ! بر امید قالمدی ... گتدی ... بک الدن
 گتدی ...

(کل نہال)

سودیکک باشیچون صوص بکک بو قدر ذهنته
 طوقه جفتی ییلمدم .

نشانی بن سکا قبول ایتدیردم انکده سنکده تلفکزه
 بن سبب اوله جفم . دوشوندکجه وجودمک هر ذره سی
 بر قفلجم کسلیور .

براز بکا میدان براز عقلم باشمه کلسن . بن باله
 بکنکی او کوپکه یدیرم . شمدی کیدرم اوررم . زهر لرم .

قوناغی یاقارم . نه یاپارسهم یاپارم . یارین انشاءالله سزی
سلامته چیقاریرم .

کل ! رضوان قیوی چالیور . چابق اول بزى بوراده
کوردرلرسه بکی بش دقیقه یشاتغزلر .

(یوزکی یردن الهرق)

اما یوزک . از قالدی برنشان براقه جقدق که ...
(عصمت نردباندن اینر . کل نهالک باشی پنچره دن غیب)
(اولمق اوزره ایکن قپو آچیلیر)

التنجی مجلس

ذوالفقار اغا — رضوان — صگره کل نهال

« ذوالفقار »

نره به کیدیورسن ؟

(کل نهال نسى ایشیدیر ایشتمز باشی پنچره یه)

(چویرر . ذوالفقاری کورر یه صاقلانور)

(رضوان)

قره ولی سزک ایچون اغا زندانه کلدیکی وقت خبرویر

دیمشیدیه اورایه کیدیورم .

« کندی کندینه »

خبرسز کوتوردیلرسه بن طوغه دن اخرته کیدن

پدرلہ یارین کوروش-ورز . طیارہ دہ یوز التون قسمت
چقار .

(رضوان چقار . کل نہال سرعتہ پنچرہ دن کیر .)
(ذوالفقار اغانک اوکنہ کلیر)

« ذوالفقار »

سن کیمن ؟

• ﴿ کل نہال ﴾

(یوزینی آچہرق)

بیلدکی ؟

« ذوالفقار »

(تلاش ایلہ)

آہ ! سز بورادہ نہ کزیورسکز ؟ سزک بورادہ نہ
ایشکزار ؟

« کل نہال »

خی بش سنہ اول اللہک امریہ ایستیوردک .
ردایتیکم ایچون ایلرجه یتاقلرہ دوشدک . او وقتدبری
بن براز اختیارلدمسہ سن دہ براز کنجلمدک صانیرم
کوکنشدکی ارزو . محبت حالاطوریورمی ؟

« ذوالفقار »

برطاشہ صورك ایچندہ کی اتش ییل کچمکلہ سوزمی ؟

« کل نهال »

نیم ایچون هر شییء کوزکه آله بیلیر مسن .

« ذوالفقار »

تجربه ایده بیلیر میسکنز .

﴿ کل نهال ﴾

یوکیجه مختاری قاجرمق الدن کلیری ؟

« ذوالفقار »

اکلایه میورم کی پاشا لیمیسکنز مختار بکلیمیسکنز ؟

عصمتی اوتنه کنه نشانلیورسکنز بریکنی قاجرمق ایچون

زنداندلرده کزیورسکنز !

(کل نهال)

بدلا سن ده مناسبتر سوز لازم دکل دیدیکمی

یاپاجقمیسن یایمیه جقمیسن .

﴿ ذوالفقار ﴾

قاجر رسده سزه مالک اوله جغمدن امین اوله ییمی

« کل نهال »

ته درلو یمین استرسن ؟

(ذوالفقار)

یمین لازم دکل . دیمک عادتا سزه باد هوا مالک اولمق نیم

ایچون ممکن . اما نه چاره ینه ممکن دکل .

جانندن اکلاشیلیر . بر کره ده بکک صاغ اولدینی
اکلاشلیدی ! بیک جانمز اولسه بزى قورتلمز . یوز
بیک ترتیمز اولسه هپسینی بر باد ایدر . بن بکی
قورتاره جم فقط پاشا مزارده بيله جک .

« کل نہال »

یوقدر تلاش یوقدر کورلتی بر عصمت طویاردیه می ؟

(ذوالفقار)

دها نه ایچون اولسون ؟

﴿ کل نہال ﴾

جناب حقک تجلیسی شو زنداناری طولدیران اسم
جلانه یمین ایدرم که سندن اذن آلمدقن صکره بکک
ساغلفنی عصمته دکل — مزارده باش اوجه کله جک
سؤال ملائکه سندن بشقه — کیمسه یه سویاهم .

« ذوالفقار »

بنده بوگیجه بکی قورتارمز . هم قرداشمک قانی
کندم ایچمش اولهیم .

﴿ کل نہال ﴾

اغا ! بزده قاچرمغه کلدکدی . بر درلو استمدی .
عصمتک نشانلانديغنه چلدیرمش . پک عناد ایدیور .

(ذوالفقار)

بن اکا بر کره انتقام لذتی تعریف ایده عمده باق بدن

زیاده یشامغه چالیشرمی ؟ چالشمزمی ؟

« کل نهال »

انگده چاره سنی بولدك . . . بولدك الله نه مرادك
وارسه ویرسون .

(ذوالفقار)

مرادمك برازیده سزك الكزده دكلمی ؟

« کل نهال »

یالانی سومم بکک قورتلدیغنه دأریارین ال یازیسيله
شوقدر برکاغد پارچه سی کتیررسهك بنجه اولان مرادکی
حاصل اولش بیل

آه ! عصمت ! عصمت ! بکا اون سگیز سنه دن
صگره بکمک مزارینی آتشار ایچنده براقیدردك .

﴿ ذوالفقار ﴾

امان چاپک اولاک ! ایاق سسی وار !

(کل نهال سرعتله پنچره دن اینر)

یدنجی مجلس

ذوالفقار . قره ولی . رضوان)

(رضوان)

(قوپنی آچهرق)

بیورک اغا .

« ذوالفقار »

(قره ولی بہ)

قیوولداش نبی کورمک استمشسن ؟

﴿ قره ولی ﴾

اوت اغاجم ! حبسده بزم بایرام راردی . هاتی
یکم پاشایه رجا ایتدم . اغایه سویله قاجر یویرسون دیدیده
انی سویلیه جکدم .

« ذوالفقار »

جانم منت ! لکن بلیرسن آملکت بوکون یرندن
اوینادی . آب آشکاره براقغه کلز . حقنده اعلام وار .
حاکم قیامت قوبارر . بکلرده ایش چیقارمغه بهانه اریورلر .

﴿ قره ولی ﴾

یوق اغاجم ! ذاتی افدمزده گیزی صالیویرسون
دیدیدی .

(ذوالفقار)

مصر ایچون یالیده عسکر یازیورلرمش . الهه بر
تذکره ویره یمده سلانیکه گوندره یممی ؟ حاضر گنج
یگیت . ایاریده فیض آلیر .

« قره ولی »

گبرسونده ایستر ایسهك هنده گوندر .

(ذوالفقار)

گورمك استرميسن ؟

« قره ولی »

نهمه لازم ! شمدي گوروبده غربته كیده جك ديه
 پاره دئمی چیقمالی ؟ جانم اغاجم ! ایاغكزی اوپه يم .
 بزم جافقوده بوراده . زندانه بن گوندردم . پاشانك
 خبری بیه یوق . آئیده برابر عسکرلگه گوندررميسين ؟
 بلسكه يته قورتیلیرده چیقار شونك بونك اوینی صویار
 باشمی بلایه اوغرا دیر .

﴿ ذوالفقار ﴾

پك ابي . آئیده گورمك استمزسن آ ؟

« قره ولی »

صورتی زبانیلر کورسون . یوز آتونمی چالدى .

(ذوالفقار)

بن هپسنگ ایجانه باقه رم . مملکت قاریشت زندانی
 باصمق ایستیورلر مش . چاره سز بوکیچه بوراده قاله جغم .
 سن عسکرک یاریسنی قپوده براق ! یاریسنی یانگه آله
 قوله چیق ! قوله چیق اما دباغ خانه طرفرندن ایرله !
 مملکتك بشقه طرفرنده کیسه لازم دکل . بویاه کیجده
 بر ایکی او صویله جتی ديه زوربا یاقارینی بوش براقه جتی
 دکاز آ ؟

« قرہ ولی »

امر سنك اغاجم ! بن كيديورم . الله ياردججك
اولسون . بر مورس اصيه جقمى ايمش نه ايمش طياري
باشا افشام اوستى قضايه گوندردى . بو كيجه كى ايشار
ايچون آدمگزر وارمى ؟

(ذوالفقار)

وار . سن ايشكه باق دباغ خانه يى سندن استرم .

﴿ قرہ ولی ﴾

اول الله !

(قيودن چيقاركن گرى دونهرلك)

ها ! بر راشدى وارمش ؟ هانى قارىسنى ياردملشار .
هانى سانكه بن ياردمشم . صاغ طور دقجه سوز
اوليورمش ؟ افدمز « باشنى طور اغه طيقسونلر .
صو صديرسونلر » ديه امر ايتدى .

« ذوالفقار »

مناسب ...

سكزنجى مجلس

ذوالفقار - رضوان

﴿ ذوالفقار ﴾

رضوان !

(رضوان اوڤه يه گيرر)

بيور !

[ذوالفقار]

بنجه کلان آدمير بوراده مي ؟

(رضوان)

بوراده بنم اوڤه ده .

(ذوالفقار)

مختار بکک اوڤه سي هانکيدسي ؟ ... شومي ؟

﴿ رضوان ﴾

اوت !

(ذوالفقار)

زندانک اناختارلريني طيشداريده كيلره براق ! تنيه
ايت قبونک اوگندن ايرلسونلر . سن گيت قره ولينک
ياننده بولک ! يگيت دلي قانلي سن . بلکه بوجيجه لازم
اولورسن .

« رضوان »

پک ابي افندم . امرسنک اگام . (کندی کندينه)
اگر اوته کی کتديسه صباح ارتقن اغادن صورارلر .

طقوزنجی مجلس

ذوالفقار (صکره) مختار بک

﴿ ذوالفقار ﴾

آلديغمز امرلره باقيليرسه ايكي مظلوم اوله جك .
ايكي قاتل صالحويريله جك — بنم نيتمه باقارسهك ايش
هيچده اوياه دكل !

باقولم « كيمسه نك امرلري طوتلزنم امرم طوتيلور »
ديه ايتديكي ادبسنلك قالميان كوپكك هيچ طوتلدق
امري اولمز ايمش . (مختار بكك قپوسنه گيدهرك)
بك افدى !

« مختار بك »

كيم او ؟

﴿ ذوالفقار ﴾

ذوالفقار قولگنز .

﴿ مختار بك ﴾

بنی اولدرمكه كلدك . دكلى ؟ سندن بو قدر انسانلق
مأمول ايتزدم .

« ذوالفقار »

سزه اولومدن بشقه دها طاتلى خبرلرم وار .

﴿ مختار بك ﴾

اويله اينسه هايدي جنم اول ! بن اولومدن بشقه
برشي استميورم .

« ذوالفقار »

بوخلقه اجیمز میسین ؟

(مختار بك)

الله ! الله ! عصمت پاشایه نشانلانیر . ذوالفقار ،
خلقه اجیر . بوگون دنیانك ترسیمى دوندى ؟ بوگون
گونش مغربدنمى طوغدى ؟ به جلاد خلقى سوزینك
سنگ آغزنده نه ایشى وار ؟

﴿ ذوالفقار ﴾

بحارستانه ایلك كچدیگمز گون كندی جانگزی
مخاطره به قویمشدیگزده دوشمن الندن بر دلی قانلینك
جانی قورتارمشدیگز ؟ خاطر یگزده میدر ؟

« مختار بك »

شمدی بنی حیاتدن قورتاره جق بر ادم بولندقدن
صگره بن وقتیه به آدمك جانی قورتارشمم خاطرمده
اولوبده نه اوله جتی ؟

(ذوالفقار)

او بزم قرداشمدر .

﴿ مختار بك ﴾

ایسترسه اوغاك اولسون . بورایه سلسله کی صایغهمی
كلك ؟

« کل نہال »

صایقامہ مرا مکی سویلہ ؟

(ذوالفقار)

بی آدم بیلر سوزیمہ اینانیر میسگنز ؟

﴿ کل نہال ﴾

یمینکہ اینانیرم .

﴿ ذوالفقار ﴾

والله العظيم بن بورایہ مختار بکی قورتار مق ایچون

کلشدم .

﴿ کل نہال ﴾

آی شمدی ؟

(ذوالفقار)

آرہیہ سز قارشدیگنز .

﴿ کل نہال ﴾

بن آرہیہ قارشدم دیہمی قرارکی دکشدیرہ جکسن

سکا کندی عرض ایندیگم ایچونمی بی بو حقارتہ لایق

گوریورسن ؟

« ذوالفقار »

یمینہ اینانیر سگنز . ربمک عزتہ یمین ایدرم کہ

عندمده سزه مالک اولوق دنیاده بکا بیوک نعمتدر .

بوراجقده شو قدر گوردیگم ایچون جائمی بدل استسه

گزاز گوریرم . لکن اده جاندن عزیز ایش وار .
 سز اوتوز سگنز یاشنه قدر انسانجه یشامش یز اهل
 عرض آدم بهوده یردی اوتوز سگنز سنه دن صگره
 طبیعتی دکشدیررده بویه ملعونه الت اولور صانیورسگنز :
 بهوده یرمی حجاجک زمانه نظیره لر یاپلدیغنی گوزندن
 بر یاش . آغزندن بر بر آه چیقارمدن سیر ایدر ظن
 ایدیورسگنز ؟

خانم ! بنم قرداشمی زهرلیدر . قاتی ایچنلرک
 طمرلرنده براتیجه جغم . وطنداش لریمی اولدیریور .
 جانلرینی قورتاره جغم . او مقصد ایچون کله می قولتوغه
 الهجقدمده مختار بکی بورادن چیقاره جقدم .
 « کل نهال »

قدر یاردجک اولسون بیلیم الله بو زمانی سنی بکا
 سودیرمک ایچونمی یراتمیش تکلیفمدن مقصدیکه نه
 ضرر کله جک نی جاسوسمی صانیورسن دلیمی ؟

﴿ ذوالنقار ﴾

استغفر الله ! حالگزی دنیا بیلورده بنی بیلیمه جگم .
 مرحمتگزدن صاقترم . عصمت گرنچکدن بکی
 سویورسه اغلار . فریاد ایدر . خسته اولور . سترده
 طیانه مزسگنز . سویورسگنز . او قدر بر قزک بر کرم
 یوزینه باقلسه سودیکی آدم صانغیدر ؟ دکلیدر ؟ هر قیلنک

« ذوالفقار »

بن قرق یاشنده بکار بر آدم . چوجوق بدن اون
بش یاش کوچکدی . بن بیوتم . هم قرداش هم اولاد
کبی سوردم . دنیاده نه قدر امیدم وار ایسه اکا
باغلامشدی . زهرلدیلر . اوسوگیلی قرداشمی زهرلدیلر .
استدکاری یوله کلیور دیه زهرلدیلر . اکلادکمی بکم ؟

﴿ مختار بك ﴾

بيلم سنی نیچون برابر کبرتمدیلر . آرسلانده
یلور یسنی سور . هیچ اوجینک او محبتی دوشونوبده
آجیدینی گوردکی ؟

« ذوالفقار »

آرسلان آوجینی اونودیر .

﴿ مختار بك ﴾

سن طبیعتده اولان کوپکارده گیدر اوجینک ظلمنه
آلت اولور . اویله دکلی ؟

﴿ ذوالفقار ﴾

بن سزک کبی تهوری بیوکلک . احتیاطسزلغی
مردلک . تدبیری منزلت . مغلوبیتی شان صایوبده
دوشمنم ایچون ارزو ایندیگم بلایه کندم اوغرایه جتی
قدر ساده دل بک زاده لردن دکلم .

اوزریمه بسدن بیوک بر جاوار کوکره یوپ کلدیگنی

گورسهه پنجه سندن قورتلیقی . الفتی قزاقی ایچون نه
لازمه هپسنى اختيار ایدرم . اوپور زمانى راست
کتیرنجیه قدر عندمده جائز اولدق تدبیر یوقدر .
انسامى ایتمیش ؟ جانوارک اوپور زمانى بولدیغ وقت
اگلاشیلیر .

ایکی سنه در برکوپک خدمتنده ایم . هر یانه گوردجه
بتون زمانم گوز تخمنیه کچپور . جان آله جتی یرلری
اوقدر ذهنده یر ایدی که اوزرینه قرانلقده سلاح
بوشالتسه قورشونی طوغری کیدر یاقلبنی . یاجگری
بولور .

(مختار بك)

سلاحك وارسه بوشالت باقیم ! ایستر اكا بوشالت
ایستر بكا بوشالت ده شو هذیانلرک آرقه سنى کس !

﴿ ذوالفقار ﴾

ظالمه قانلاکله جزا اولنمز . بکم ! بر آدم اولدیرملکله
بر مملکت قورتلمز ! افندم ! خلق جانندن بیزار اولمش .
خلق اوزرنده کی بلانک دفعنى استیور .

﴿ مختار بك ﴾

استیورده نیچون دفع ایتمیور ؟ اوچ یوز بیك کشی
گولگه سندن قورقان دلیر گبی بر آمدن تره یور ؟ نیم
نهمه لازم .

« ذوالفقار »

آه ! تحکم خانداندين يتشديگگنز گورنيور .
 کنديگگزن بشقه برشی دوشنمديگگنز اکلاشيلبور . بر
 ظالم الگگزن سوديگگنزی آملقه . بر ظالم بويگگزه زنجير
 اورمغله دنياده نه قدر انسان وارسه گوزگزه هر بلايه
 لايق گورنمگه باشلامش . عجبا بو خلقك ايجنده هيچ
 سزك كبي سوديكي الندن گتمش آدم يوقى ! هيچ
 سزك كبي زنجيرلر ايجنده قالمش بيچاره بولنه مزيميدى ؟
 خلقى بر وقت دوشونمديگگز ينه خلقك مروتنه باقكه
 سزى بلا زماننده دوشونبور عمومك سداسى كيجه وقتى
 شو زندانك الك قراكلق كوشه لرينه قدر صوقلمش . نم
 آغزمدن « بكم اوگزه دوش باشمز يولگه فدادر »
 ديور .

كندى باشنه چارپيلان قليجلره سكونته تحمل ايدن
 اوچ يوز بيك كشى سزك اياغگزده زنجير سسى ايشتمگه
 تحمل ايدمبور . اولومى گوزينه آليور . خلقك اميدى
 سزه طوپلانمش . بر مملكتى قورتارمق اوچ يوز بيك
 كشينك ولى نعمتى اولمى الگگزن كليرى ؟

« مختار بك »

اوچ يوز بيك كشينكده الله اوچ يوز بيك بلاسى

ویرسون . سنگده . بن انسان سوهمیورم . بن دنیانك
قهر اولدیغنی استیورم . اگلادکمی ؟

(ذوالفقار)

مأیوسسگنز . حیاته میاگنز کسلمش . انی اکلارم .
بك زاده سگنز . خلقه رحگنز یوق . اکاده تعجب ایتیم .
لکن برکویکک ظلمندن . برقادینك خیانتندن بتون بتون
ازیلوبده انتقام آرزوسنی اونوده جق قدر سزدن بر
وقت مسکینك مأمول ایتزدم .

« مختار بك »

انتقام ... حریف ذهنمه قره قره خلیالرکتیر یورسك

﴿ ذوالفقار ﴾

پاشادون دیشاریه قلبگزی پارچه لدی . هر پارچه سی
طوبلی ایکنه باشندن بیوک دکلدی . اونوتدیگزمی ؟
عصمت دون نشانلاندى . خاطرده دکلمی ؟

زفاف گیجه سی کلین اوطه سنك زیانتی شو پنجره دن
سیر ایده جکسگنز . دوشونمیور میسگنز ؟

(مختار بك)

یوق ! یوق ! هر شیئه حاضرم . نه یاپه جقسك !
جهنمه می گیریم چیقه می ؟ قلبمی شیطانهمی تسایم ایده می ؟
نه یاپه می سوپاه !

قلان دیدیکك خنزیرك جگرینی کندی طرناقاریه

پارہ لہہ بیلاہ جکمی یم ؟ عصمت دیدیک ییلانک ایانگ
 آلتندہ بوکیلہ بوکیلہ اوپارلاق دریلرینی یوزہ بیلاہ جکمی یم ؟
 آہ ! آلوبدہ سونجمدن اولمک بکا میسر اولہ جقمی ؟
 سنی کیم گوندزدی ؟ نہ طرفدن کلدگسہ ضرری یوق .
 قدومک مبارک اولسون . بندن قورقہ . برآدیم گیری
 گیتیم .

انتقام جہنمدن قاچمش جادی گبی گوزیمک اوکنده
 طور یور . قانلی قانلی دیشلرینی . آتشی آتشی گوزلرینی
 گوستریور .

آہ ! انتقام ! بر انتقام ! مالم جانم او دولتہ فدا در .
 « ذوالفقار »

انتقامی ! طیشاریدہ یکر می بیگ کشی امرکہ منتظر
 طور یور .

﴿ مختار بک ﴾

سویاہ نہ یاپہ یم ؟ نہ استیورسن ؟ چابوق سویاہ !
 یکر می درت ساعتدر دنیانک بو قدر عذابنی چکدم اولدم .
 ایکی دقیقہ دہ انتقام حسرتیہ اولہ جگم .

(ذوالفقار)

ابتدا شو آناختاری آکدہ زنجیرلریکزی چوزوک

(مختار بک)

ایشته ایشته آل ! بو بتدی . ایشته ایانگدہ کنی .

ایانمده کنیده چوزدم . ایشته بوینومده کنیده آه !
قورتلدم اوله می ؟ بکا انتقام وعد ایدیورسن . اینی
دوشن .

« ذوالفقار »

اوت . بنده انتقام آله جفم . شوکاندیده آک باقه ییم .
یاژک .

(مختار بک)

نه یازه جفم . سن ده بنی نه قدر مناسبتنر شیله
اوغراشدیریورسک ؟

﴿ ذوالفقار ﴾

خدمتمک مکافاتنی بودر . شمدی انتقامه مالکنزی .
جانکنزی ویریوردیکنز . ایکسنیده الله سزله باغشلاسون .
الکنزه یکنرمی بیک سلاح ویردم . یالکنز استدیگم
مکافات بودر . یاژک باقه ییم . « ذوالفقار واسطه سیله
اولدی . یریه بشقه آدم اولدردیله . »

(مختار بک)

(گیری چکیله رک)

یریه بشقه آدمی اولدردیله . جهنم اول . بنی
مظلوملرک حیاتندن یشایه قدر آلچقمی صاندک ؟

« ذوالفقار »

مظلومی ؟ برختیر . . . اوج گون اول ایکی صاحبی

تبدك یتیمی یاقدی . بکا بوگون قاجردیه امر ویریورلر .
 یرنگزه اوکیده جک . شریعتک اعلامیه اوله جک .
 اگلادیگزمی ؟ یازک ! وقت کچور .

﴿ مختار بك ﴾

(کاغد و قلمی آلیر یازار)

« ذوالفقار واسطه سیله اولدی . یریمه بشقه آدم
 اولدردیلر . بن صاغم . مختار » ایشته .
 « ذوالفقار »

شمدی خلق ریاستی سزه ویریور . مملکتی شو
 جانوردن قورتارمق ایچون هر نه سویلتیر . هر نه لازم
 اولور ایسه یاغمه اناهله عهد ایدرمیسگنز ؟
 (مختار بك)

الناهله عهد اولسون .

﴿ ذوالفقار ﴾

شو کاغد خلقک قاناریله مهرلنمش بر محضردر .
 یانگزه آله جقسگنز . بورادن روم ایلی والیسنه کیده جکسگنز .
 ذاتی صوفیه ده بو کوپکک عصیانلی بیلرلر . قتلی ایچون
 بر فرمان آله جقسگنز کله جکسگنز .

« مختار بك »

ویر ! گیدش کاش اولسه اولسه اون بش گون

﴿ ذوالفقار ﴾

بوگون آيك اون آلتیسی ! بلسكه بر ایکی گونده
 اوراده قالمگیز لازم کلیر . ایش رجبك دردنجی کیجه سنه
 ترتیب اولندی . حاضر مهتابده بولتمز . ایکنجی صالی
 گونی بوراده بولنه جقسگیز . نره دن گیده جگگیز . نه
 یاپه جغگیز . هپ شو کاغده در . او قویك ! صکره
 باقار سگیز .

اوننجی مجلس

اولکلیر . ایکی آرنانود . (صکره) سایم . بایرام .

جافقو

« ذوالفقار »

کل !... (قپودن گیرن آرنانودلرک بزینه)

شو او طه یی آچ حبسلرک ایچنده راشد وار . بر .
 بایرام وار . ایکی . جافقو وار . اوچ ... آله بورایه
 کل . (اوچی کلدکدن صکره گیرن آرنانوده) سن بك
 ايله راشدی آل ! گتور . (اوته کینه) سن ده بونلری
 آل ! گوندر .

اون برنجی مجلس

(ذوالفقار)

(پنچرہ دن سوقاغہ باقہرق)

سلامت ... دباغخانہ محاہسندن بشقہ بر یرده قول
 یوق . بر کرہ بزم اوہ کدکدنصگرہ ... کیم نہ یاپہ بیلیر ؟
 بنده بایرام کوپکنہ قزیورم . لاشہسی مرمر قبرده
 یاتہجق ... او یو ! ظالم او یو ! سن او یومقلہ یورکرده
 براقدیفین کینده او یومیور . بیلسن ویردیکنک امرلر نہ
 درلو اجرا اولنیور ؟ بیلسن کنندی آدملرک سنی نہ قدر
 محافظہ ایدیور . سنده حیرتده قالوردک . بایرام کبریور .
 مختر یشایور ! انتقام مختارہ محبت ذوالفقارہ کچدی .
 کل نہالک برسوزی بنی انسان ایتدی . نم برسوزم مختارہ
 آرسالن غضبی ویردی . اولولرمزک یر آلتندہ انتقام دینہ
 کیکلری دترہ یور . صاعلرمزک یر یوزندہ جزا دینہ
 روحلری ایکلہ یور !

سن ینہ او یو ! سن ینہ او یو ! یقینده گوردیکک
 رؤیالرک تعبیرینی اوگرہ نورسک .

پردہ اینر

در دنجی فصل

(بر مزارستان)

—

برنجی مجلس

کل نهال . عصمت

﴿ کل نهال ﴾

قزم ! اذان اولیور . دها نه وقته قدر بو قورقولی
بزدرده . بو اولولر آراسنده گزه جکسک ؟

(عصمت)

بوراده گزمیه یمده زه لره گیده یم ؟ برکره باق شو
طاشک آلتنده کیم یاتیور ؟ گیده جگم اوده کیم بولنه جق ؟
آه ! بنی بکمدن آردک . شمدی مطلق طو پراغندن ده
آیره جقسک . مطلق حسرت ایله تلف ایده جکسک
اویله می ؟

نهمک اولوم دوشکنده ایتدیگک یمین بومی ایدی ؟
ظالم ! جرمنز قباحتمز بریچاره ینی بوقدر نازلرله نعمتلرله
بیوتدکنصگره آتسه آتمقده نه لذت بولدک ؟ ظاهر بنی
قوزی پیودرکی بسلدک . اکلندک . صکره هیچ

آجیمنڊڪ جائمه قیدڪ . اولیامی ؟ سکا نه یاءدم که بنم
سعاتمی ایاغنك آلتنه آلدك . كندی ذوقنی اوسایه ده
وجوده كتردك ؟

﴿ کل نہان ﴾

قزم ! ...

[عصمت]

اون سکزیل كندی نصل ضبط ایتدك ؟ نصل
كوكلنده کی خیانتی بر كردهك اولسون . طوروشندن
باقیشندن . كولوشتندن . هیچ بر حالتده كوسترمدك ؟
بكا بکی قور تازیرم . پاشانی اورور . قوناغی یاقارم
دیه بیک یمین ایتدك . صگره اولومنی بیاه خبرورمدك .
كوكلی گونلرجه ایکی شاهین اردسنه دوشمش كوكرجین
كبی یأس ایاه امید ایچنده چارپندر دك .

اون سکزیل نصل طیانك . زهرینی تایوره کمی
اصیرنجه یه قدر ایچنده صاقلادك . دنیا ده نه دیسه لر باککه
اینانیردم . انسانك بو قدر خائن اولدیغنه اینانمزدم .

﴿ کل نہان ﴾

آقزم ! قهر اولهیم . نه سویله به جکمی بلمیورم که ؟

﴿ عصمت ﴾

نه سویله به جکسك ؟ ده ا مرادینه ایرمدکی ؟ ایشته
پاشاك هر نه امر ایدرسهك یایور . ایشته . . .

[رقب و کنا به ايله]

ذوالفقار آغا - هاتی تفکجی باشی - یولکزه جان

ویریور ...

﴿ کل نهال ﴾

آه ! . . . چوجق ! . . . چوجق ! . . . سن اویله
شیلرده می دوشنمکه باشلادک ؟

بن . . . بن . . . بن سنی ذوالفقار ایتدم . اویله می ؟
یارین . . . یارین . . . انشاء الله بولقردینک نه قدر
مرحمتسره بر سوز اولدیغنی اگلارسک . او وقت
بیلیم یوره که آچدیغک یاره لرک قانی سیله جک قدر
گوزلرنده یاش بوله بیلیرمیسک ؟

﴿ عصمت ﴾

ینه می یالان ؟ ینه می حیله ؟ حالا بنی آلداتیرم .
قوللانیرم صانیورسک ! حالا اوتامه دن یوزیمه باقیورسن !
چکیل یانمدن ! استهم . براق ! آرقه مدن کله .
آغراق اوزریمه دوشوبده بنی کندی قانمله می بوغه جقسک ؟

ایکنجی مجلس

کل نهال (صکره) ذوالفقار

(کل نهال)

زواللی چوجق ! آه ! نه دن یمین ایتدم ؟ ایتمسه -

مدی ایش گورلمزدی . بنی خائن ظن ایدیور . مختازی
 غائب ایتدیکی قدرده اکا یانیور اجل یقاسنه صاراش
 قبرستان ایچارنده سورکلیوب طورییور . بر سوزله
 قور تاره جغم قور تاره میورم ! خسرت علو گبی وجودینه
 صارمش . یانه یانه محو ایدیور . بر لقردی ایله سوندو-
 ره جگمده سوندوره میورم ! (بر کوشه دن چیقهرق یانه
 یا قلاشان ذوالفقاره) کیم او ! کل ! بنی کر چکدن
 سویوره یسن ؟ نم ایچون بر فدا کارلق دها ایده بیلیر میسن ؟
 (ذوالفقار)

امر ایدک .

(کل نہال)

عصمت اوله جک . عصمت چیلدیره جق . هم او
 هم بن هم بک الدن گیدیورز . اگلا دکی ؟ الله عشقنه
 بکا اذن ویر ! قزه سویلدیم . ایا قریکی او پیم . اذن
 ویر . اگر اذن ویرر ایسه ک گو کلمده سنکدر . سن بنی
 نه قدر سویور ایسه ک بنده سنی او قدر سورم . والله
 او قدر سومگه چالیشیرم .

« ذوالفقار »

مشکل بر شیمی امر ایتدیگیز ؟ اونه قدر تلاش !
 ایش بو گیجه بتیور . عصمت خانمدن صاقلانه جق نره سی
 قالدی ؟

(کل نهال)

آه ! الله سنی چاره سزله چاره سی اولتی ایچون
یراتمش ! عصمت ! عصمت ! بیلم نصل سویلیه یم ؟
قورقرم چوجق سوئجندن خسته نور . سویله باقیم !
گتدیك یرلرده نه یایدك ؟

« ذوالفقار »

بكارك جمله سی بزم . خیری بك خیلی صقندی
یردی . عاقبت حاکم افندیك ابرامنه طیانه مدی اوده
قبول ایتدی . الله حاکم افندیله زینل بکدن راضی
اولسون . بزدن زیاده غیرت ایتدیلر . هر حاکم بونك
غیرتنده هر بك زینك خوشلغنده اولسه دنیانك بریرنده ظالم
قلمزدی .

اقشامدن صگره هپسی بورایه طویلانه جقار . بکده
بوراده بولنه جق . شمدی زرده ایسه کلیر . کونش
باطیور . ایشته آنکده قرالتیمی گورندی . امان سزی
گورمسون . قیامتی قوپارر . یاقلاشیور . چابوق اولك .

اوچنجی مجلس

« ذوالفقار »

(یالکیز)

عاقبت دولت کندینی گوسترمگه باشادی . الله فرصت

ویریر ایسہ بوگیجہ قانبر ایچندہ یاتان کونش یارین نورلر ایچندہ طوغه جق . بوگیجہ مزارده ظن اولسان یارین قوناقده بوگیجہ قوناقده اوطوران یارین مزارده بولنہ جتی زوالی مملکتجگم ! ظلم لندن قورتیلہ جغنی دوشنیورمده نصل شکر ایده جگمی بیلمیورم . عجبا شو ملعونہ ایستمیہرک ایتدیکم خدمتئرک گناہنی ربم گوکلده کی صداقتہ باغشلارمی ؟ اوچ یوز بیك کشینک حیاتی . حق قورتلیور . ذوالفقارده آکا خدمت ایدیور . مکر بنده انسانشم ! مکر هرکسه جاتی گوزہ آنجه انسانره یاردم ایتک ممکن اولورمش ! آہ ! اگر انسان اولمقده انسانیتہ خدمت ایتکده نہ قدر لذت اولدیغنی بیلسه ایدی دنیاده هیچ کیمسه بشقه آرزویہ دوشمزدی . آدم زنگین اولورسه نہ اولور ؟ بر طاقم آدم کندی بیوک ظن ایدر دکلی ؟ انسانیتہ خدمت ایدرسه بیك چوق آدمدن بیوک اولدیغنی کندی بیلور . وجد آ گلا یور .

قرداشم ! قرداشم ! نہ مبارک قانک وارمش . گنجلیگنده جانہ قیدیلر لکن سن ینہ یادتینگ برده راحت اول انتقامک بر مملکتک بختنه . سعادتہ سبب اولور .

دردنجی مجلس

ذوالفقار . مختار بك

﴿ ذوالفقار ﴾

بیورک بکم ! گونش بانار باتمز لازم اولنارک هپسی
 بورایه کله جکلردر . قوجه مملکتده مزارلقدن بشقه
 طولانله جق یر بوله مدق خنزیر دنیایی جاسوس ایتمش .
 اولوردن بشقه کیمسه یه امنیت یوق . برکات ویرسونکه
 آنارده سوز سویله مز .

(مختار بك)

حاکم افندی ایچارنده در دکلی ؟

« ذوالفقار »

شبهه می وار ؟ گوررسکنز اوهر کسدن اول کلیر .
 اونبارک برصادق آدم . ایشارک یاریسی آنک سایه سنده
 گیدیور .

آشریفسکنزدن بری گوررؤبده . ایکی لقردی ایده مدم
 یالکنز نه قدر آدم قزانديغمزی بیلیرسکنز . ظالمک
 نه قدر یاردجی غائب ایتدیکندن خبریکنز یوق . پاشو
 خانم کچن پنجشنبه گونی جهنمه گیتدی .

« مختار بك »

اولدی می ؟

﴿ ذوالفقار ﴾

خیر اوغلی کبرتدی .

« مختار بك »

كوپك كندى والدهنى دەمى یدی ؟

(ذوالفقار)

سېنى صورمیورسگنز ؟ هانی بزم راشد واردی یا ؟
 زنداندن سزکله برابر چیقمشیدی . برغنود دلی قانلی
 ایش . برقاچ طامله زهر ایله قره ولی بی دنیادن کوندره .
 حرمئك انتقامنی آیر . پاشا او برکوپكك زهر لئمنسنى
 خانمئن بیلدی . خانمله کئندندن بشقه کیمسه ده زهر
 یوق چالدرمق ممکن ایش . نره دن دوشنه جك ؟
 حریف چلیدردقجه چلیدردی . عاقبت جادی بی
 طیاره بوغدردی . قیلان پاشانک یاننده ده کئندینی دنیابه
 گتیردن والده ایستدیکی آدمی آخرته گوندرن واسطه دن
 مقبول اوله جق دکل ؟ بکم میدان بزه قالیور . نوبت
 انتقامه دوشیور . کوپکرقودوردی بر برینی یماگه باشلادی .
 بوگیجه دن تزی یوق . ان شاء الله بوکیجه دولتمزه
 مملکت مزه ایستدیگمز گبی بر خدمت ایدرز . سز بورادن
 آیرلیك ! بنده گز بر آز گیده جگم . دباغ خانه خلقتنه
 سوزلرم وار . چوق سورمز یتشیر کلبرم . خدانک
 برلکنه امانت اولک !

(مختار بك)

سلامتاه ... الله معينمز اولسون .

بشبنجی مجلس

مختار بك (صگره) مزارجی

(مختار بك)

انتقام !... سویلز سوز نه ایکنج لقردی .. انتقام
 آلنه جق ده نه اوله جتی ؟ غائب اولان سعادت کیری می
 کله جک ؟ قیلان کبره جک ده نه حیقہ جتی ؟ یرنه عصمت
 گبی — میدانده کی عصمت گبی دکل اون بش گون اول
 یتیم خیالده اولان عصمت گبی — برماکمی طوغه جق ؟
 آہ ! بن بودنیا ایچون یرادلماشم ... کیمه یدیه
 سومیورم . کیمسه نک جاتی یاقغیده سومیورم .

(مزارجی)

سن اولورسن آنانک آغلار امام اسقاط کی صاغلار
 قوردلر قوشلر قیرلر طاعلار اتکی یر اولیه کور
 « مختار بك »

برسرسمک آغزنده نه حکمتلی سوز

﴿ مزارجی ﴾

تقازمه یی اوردم مزاره کیک چقیدی پاره پاره
 جان ویروب آلدانمه یاره سندن کچر اولیه کور

مختار بك (حدتاه)

طالم مزارجی قیافتہ کیرمش . عقلمی بتون بتون
 آلق استیور . مزار ایکاتینی کبی سسلر چیقاریور .
 مزارجی (مختار بك سسندن قورقورق) آہ !
 بادیمسین ؟ حاملہ آجی ! سنی بن کومدم . کومدمسہ
 البت اینجتمامشدر . چولوق چوجوغم وار . کارمزده
 کساد .

(مختار بك)

کارگزمی کساد ؟ کفین صویچی حریف . هرکون
 جلاد الندن چیقان آدملر یتشمیورمی ؟

(مزارجی)

جلاد الندن چیقانلری کیمک کوردیکی وار . سکنز
 کوندراولو یوزینه حسرتم پاشا مزاره بر آدم کوندرمیور .
 یلم مطبخده خرچہمی سورر نہ یاپار ؟

« مختار بك »

نیچون ؟

« مزارجی »

هانى ! عیجه سنك اوغلنى اولدورتمش ایدی یا ؟
 آنته مزاریده شو ... او مبارک غالباً دنیاسنه طویہ مامش .
 کیجه مزاردن چیقارمش . پاشانک رؤیاسنه کیررمش .
 سانکه اویله آدمک رؤیاسی مزاردن دها راحتمی

اوله جق ... بك بو یا !... اوده او قدر بیلیر .

[مختار بك]

اوبك مزارى شومى اولور ؟

﴿ مزارجى ﴾

..... او

﴿ مختار بك ﴾

انك ياننده بر مزار قازمق ايمترميسن ؟

(مزارجى)

سزك ايجونمى ؟ بر مزار قازايم كه كئسارندن جنتك

باغچه لرى كورنسون .

(مختار بك)

كئندك ايجون .

(مزارجى)

بكا بزم اودن ابي مزارى اولور ؟

(مختار بك)

اويلا ايسه وار قوتكى اياقلىرىكه ويررده شورادن اوينه

قدر كيدر سن (طابانجه سنى چكهر ك) بر آديمك آندن

اولكى اديمدن صيقجه دوشرسه تا ايكي قولاغنىك اره سندر

برتالى قورشون حقك اولور .

(مزارچی)

کیدیورم اگا ! عزرائیلمیدرندر ؟ مزارچی پیدہ
لولدرہ جک .

التنجی مجلس

(مختار بک)

(یالکز)

شوراسی بزم مزار اولیور ! . . کویا ایچندہ
زیاتیسورمشز . . «حیدر پاشا زادہ مختاربک
رہ چیچون فامحہ» آمین ! . . .

اگر ظاہرینہ باقوبدہ حکم ایتدی کمزہر حقیقت
بویاہ ایسہ . . معلوما تمزہ نهدیہ جک قالیر ؟ . . .
بویاہ اولیبودہ نصل اولہ جق !

شو اور تہدہ کی مزاردہ احمد بک مزاری دیمیورلرمی ؟ .
. . احمد بک بن طوغدینغ سنہ اولمش . تام یکرمی
بش یلدر ! عجبا او وقتدنبری برکیکی صاغلام قالمشیدر
؟ قالمشہ بر صاغلام کیک احمد بک میدر ؟ بورادہ یاتانلر
اولمش . . . دنیادہ کیم اولیہ جک ؟ بورالری قبرستان
! دنیانک مزار اولمدق زہسی واردر ؟ (مزارینک
اوستنہ یاتہرق) تمامدہ نم بویوم قدر ! شمدی اوستندہ یاتیورم
ایکی ساعت صکرہ اتندہ یاتیمہ جغمی کیم یلیر ؟ خیر !

(۹)

بندن وصیت اولدیکم وقت بورایه کوممشلر . ایکی کره
 یشادم . ایکی مزار استرم . راحت یر . البته التی بوندن
 دها راحتدر . اورایه کیرنلر هیچ اولمزسه انسان
 اغزندن کچمش . انسان یورکنده کی مردارلقاره
 سورنمش هوا ایله یشامقدن قورتیلور .

انسان نه ادراکسز مخلوقدر ؟ ... هرکس کیمسه نك
 صاغ قالمدیغنی بیلیرده کندینك اوله جکنه اینامق استمز .
 باری یشامقده اولومدن قورقغه دیکر بر شی اولسه ...
 هر لذتی بر ضرورت دفعندن عبارت اولان حیاتک
 هرکس نه سنه مبتلادر ؟ بو قدر آدم کوردم . ایچلرندن
 هیچ بری دنیادن خوشنود دکل ! هیچ بری دنیادن
 کیتمک استمز ! نه دلیلک ؟ . صانکی بر اوچ طپراغه
 جان ویرمکله هر کوردیکنی هر ایشتدیکنی . هر
 دوشندیکنی استر . بر استدیکنی حاصل ایده مزسه بیک
 مشقت چکر . حاصل ایدرسه ای دنجه یه قدر ینه بیک
 مشقت چکر بر قوته اسیر ایتمکده هیچ لذتی اولور ؟
 هیچ وجودک اصلی طپراق اولدیغنی میدانده ایکن طپراغه
 کیرمسندنمی قورقیلور ؟ انسانک آخرته آغلايه آغلايه
 کتدیکنه نیچون تعجب ایدیوروز ؟ دنیایه ده آغلايه
 آغلايه کلدکمی ؟ کیم بیلیر ! دنیا دیدیکمز شو مزارلق
 نه ایچون یرادلمش ؟ کیم بیلیر ! او مزارلغک دائمابرینک

اولوسندن کچیز نیجہ یوز بیکرجه یوز پیک درلو مخلوقاتہ طولسندہ حکمت نہدر؟ ازلدن انسانک طوغدیغی کونہ قدر برتوکنمز قراکلق وار؟ ... آرہدہ بر حیات زمانی وار؟ ... — اولدیکی گوندن ابدہ قدر ینہ بر توکنمز قراکلق — اویلہ بر حیات کہ ہم نفس آملقہ طورییور . ہم نفس آلدقہ آزالیور . اودرلو یشایشدہ نہ روحانیت بولنسون ! عجایب دکلیدر؟ هرکس اولومدن خورقار . فقط کیمسہ عاقبتی موت اولان یشامقدن خورقاز . هرکس اولومدن قاچار . فقط کینسہ هر آدم آتدقہ مزارہ بر آدم دها یا قلاشدیغی دوشونمز . طوغریسی کوزل دنیا ! بر آدم نہ وقت صوگ منزله واررسہ او وقت راحتجہ یاتہ یلور .

عجبا شودنیا شو طپراغک التندن باقانلرہ نصل کورنیور؟ البتہ بنم کورشمندن اھون دکلدر . اہ ! عصمت ! ... عصمت ! ... نہ یابدیغی سندہ یلمزسن . بکا وقتیلہ دنیایی برووح عالمی . بر مسرت نوبھاری کوستردک صگرہ بر بلا قبرستانی . بر مصیبت زندانی ایتدک . نصل بوکا مقتدر اولدک؟

اوف ! ... اوف ! ... خیالک انسانی کین کبی . انتقام کبی مزارندہ پیلہ کلوب بولیور . خورقارم بی آخرتدہ راحت بر اقیہ جقسک .

يدنجى مجلس

مختار بك . عصمت خانم

(عصمت)

كونش باطيور ! يارين يزينه طوغار . بن شوپراقلرده
ياتان كونشك برگون اولسون طوغديغنى كوره ميه -
جكمى يم ؟

(مختار بك عصمتك سبني ايشتيديكى كبي يرندن فرلار)
(عصمت قورقو ايله باغره رق)

آه ! قيامتمى قوپدى ؟ يرلر آچيليور اينجده كى
اولولرى طيشارى آيور . يوق ! بر ... يالگىز بردانه .
بكم ... بكم قالمش ... او ... اويلا ! بر آز بكنزى صولمش .
بر آز ضعيفلنمش . بكم ! بكم ! بنجى استيورسك ؟ بنى
كتورمكه مى كلكك ؟ ايشته ايشته كليورم . حاضرم تك
سنكله اوله يمده مزارده اوله يم .

« مختار بك »

ايشيكه كيت . حق طرفدن اولولرى . ديريلرى
تعجيزه مى مامور اولدك ؟

﴿ عصمت ﴾

قوغه ! اويلاه خشملى خشملى باقه ! براقده بر آز
يانكه صوقيايم . براقده بر آز او كنده يوزيمى كوزيمى

طہراقلرہ سورہیم . اللہہ حمد ایدہیم . اللہم سنی بکا
 برکرہ دھا کوستردی . براقدہ آیاغنک اوخنہ صغینہیم
 مزاردہ یالکگز اوشومیورمیسک ؟ آہ ! سن دنیادن
 کیدہلی ہر کیجہ خیالک کبی بومزارک اطرافندہ
 طولاشیورم بندہ دنیادہ اولوکبی یشایورم . عصمتہ
 مرحمت ایتمزیمیسک ؟ قرہ طہراقلرہ حاملہ آجیوبدہ سنی
 قارشیمہ چیقاردی . سنک مزار قدردہمی انصافک یوق ؟
 یوزیمہ برکرہجک اولسون شفقتہ باقزمیسک ؟

(مختار بک برسوز سویلکسزین قلبنک ہیجانہ مغلوب)

(اولمش بر حالہ یغیلور)

آہ ! ... بندن قاجیور ! بنی یالکگز براقیوردہ
 طہراقلرہ صاقلانمق استیور ! براولوسنی گوزملہ گورمدیگم
 قالمشدی . ظالم تا آخرتدن گری کلدی بکا آئیدہ کوستردی .
 (مختار بکہ طوغری قوشار . ذوالفقار بری طرفدن)
 (کورینور یتشمک ایستریتشدہ من عصمت مختار بک)

(یانہ یغیار)

« ذوالفقار »

(یانہ کلہرک)

زواللی چوجوق ! چگہ لریمی کلیدلنمش ؟ ... انکدہ
 بووقت مزارلغہ کلیمی نہ عجایب تصادفدہ . اللہ ویردہ
 ایشہ طوقونیمہ ایدی .

(آرقەسندن کلانلرڭ بر قاچنه)

آمان الله عشقنه شوقزى قالديرڭ . دمين هانى يولده
بر عربە كچيوردى . اكا بندرڭ . هر طرفنى ايچە اورتك .
قوناغنه كتورڭ . عصمت خانمك قوناغنى بيلرسكز آ ؟
آمان چاپك اولك . يولده دقت ايدك . برى گوررسە
بتديكمز كوندر .

(مختار بكە)

بك افدى ! بك ! بك ! وجودى مرمر كسلمش !
قالقسە كز آ . نه اولديگز ؟ برشى يوق . آرقداشلىر
كليور . وقت غيب ايتيم . انتقام بزى بكليور .

(مختار بك)

ها ! كيم او ؟ ...

« ذوالفقار »

هه كوكلى اولسون انتقام لقرديسنى ايشتى .
قالقكزدى ! شمى اويقونك صره سيمى ؟

« مختار بك »

﴿ شاشقين شاشقين قالقهرق وكنىنى طوپلامغه ﴾
﴿ چاليشهرق ﴾

ها ! سەميسك ؟ بك اعلا ! انتقامى ديوردك ؟
اوت . انتقام انتقام بن اويوشم ظاهر ! بويورغلىق
نه اوله جق ؟

﴿ کندینی طوپلایه رق ﴾

سز بورایه کلدی کنگیز وقت کیسه وارمی ایدی ؟
« ذوالفقار »

خیر !

(بو محاوره آره سنده منفقین برر ایکیشر کلککه باشلار)

(مختار بك)

(کندی کندیته)

کیسه یوقدی دکلی ! بر کره دها وجودیمک هر
پارچه سنه خنجر صاپلادی یا ؟ مرادی حاصل اولدقدن
صکره نیه بکسن .

سکزنجی مجلس

اولکیار . حاکم . زینل بك . شمس الدین بك .
بهرام بك . سنان بك . خیری بك . راشد . سائر
بعض اشخاص

(ذوالفقار)

اقدام بیورک ! هیمز خدمتکزه طوپلانداق .
پادشاهک فرمانی . والی پاشانک امری . سزک اراده گیز
نه ایسه اجرانسه حاضرز .

(زینل بك)

« مختار بکه »

قرداشم ! سنی الله بزه باغشلا دی .

(مختار بك)

نصل قور تلدیغمی البته بیلیرسگنز؟ تفصیله کیریشمیهلم .
والی پاشایی کوردم . بر مرحمتلی وزیر . محضری
او قورکن چکدی کمز بلالر اولادینک باشنه کیش قدر
متأسف اولدی آغلادی . بوکویکک عصیاتی بیلور .
باب دولته عرض ایتش . بن اوراده ایکن فرمان کلدی .
حاکم افندی به اولان امر نامه نک ایچنده در .

(حاکم افندی به بر مکتوب ویرر)

﴿ شمس الدین بك ﴾

بکم ! هم سزی هم مملکتی تبریک ایدرز . دولت
بر حیدوددن . مملکت بر جالاددن خلاص اولیور .
خلق اجدادگزدن بیوک عنایتلر کورمشدر . حیاتسز
وجود اولمز . ایچگزده بونکله بابامی قاتل چیقدیلر .
انشاءالله آچدقاری یاره لره سز التیام ویررسگنز . ان
شاءالله عدالتگنز ...

« مختار بك »

باقک بکلر ! بن سزه برشی سویلیهیم . اللهک اوچ
یوز بیک قولی زنجیرلر ایچنده . قلیچلر آلتنده یاتیور .
بوغلیور . سببی ده اقر بامدن برظالم . دفعنی خلق بندن

ایستدی . ممنوناً قبول ایتدم . ایش بتنجہ یہ قدر هر خدمتگزره حاضر م . جائده وجودمده مملکتندر . سوزیکزردن سنجاق بکلکی بنم اوله جق کبی صانیورسگنز آگلادم . آنی خاطر دن چیقارک .

(زینل بک)

نه دیمک ! بورایی بر کره اجدادک فتح ایتش . شمیدیه سن فتح ایده جکسک . سندن بشقه کیم سنجاق بکی اوله جق ؟ سندن عادل ضابطمی پیدا ایده جک ؟

﴿ مختار بک ﴾

بن دولته نه خدمت ایتدم ؟ خلقه نه کوستردم که صداقتمه . عدالتمه حکم ای دیپورسگنز ؟ بورایی پادشاه امر ایتش . اهالی فتح ایتش . اجدادم ایچنده ضابط بولنش . شمدی ینه پادشاه امر ای دیپور . سز قورتار - پیورسگنز . بنده سزکله برابر خدمت ایده جکم . طوتهلم که کرچکدن اجدادم فتح ایتش اولسون . پدیرینک خدمتی ایچون مکافاة استمه مکه اولادک نه حق اولور ؟ طوتهلم که شمدی بن قورتاره جق ایتمش . بر مملکتی قورتارمنک وجدانمه ویره جکی راحتی برسنجاق بکاکنه کیم دکیشور ؟

« شمس الدین بک »

بکم بزسزردن امینز . خلق سزی سویور . یریکزره

کیم کله جکده عومی بردن ممنون ایده جک !

(مختار بك)

حاکم افندی بوراده دکلی ؟ خلیفه کنسیدیلرینی عدالته
 مأمورایتمش . مملکتی ضبط ایتمکه تفکجی باشی یتشمیورمی ؟
 سنجاق بکی لازمه پادشاهک مجرب بر بندهسی یوقی ؟
 بومملکت چنتلکمیدر بابادن اوغله . قرداشدن قرداشه .
 یکنندن یکنه قالوب طوره جق ؟ بزم مملکتده خدمتدن
 بیوک وظیفه مزمی وارکه کوردیکمز ایشلره مکافات
 ویریله جک ؟

« حاکم افندی »

بک افندی حقگنز وار . بوراسی اجدادکزدن
 سزه قاله مز . فقط اجدادگنزک براقدیغی عنوانردن
 زیاده کندی استحقاقگنزه طیاندیغنز ایچون دولت
 سنجاغی سزه تسایم ایتمک ایستیور خلق سزک هیچ بر
 خدمتگنزه مکافات استمییه جک قدرعالی جناب اولدیغنزی
 بیلورده « باشمزه کل هم دولته هم بزه خدمت ایت »
 دیور . والی پاشا بیورلدی بی نامگنزه کوندرمش . بو
 سنجاغی سزه توجیه ایتمش . شرعه اطاعتگنزه . دولته
 صداقتگنزه . خلقه محبتگنزه یمین ویررم . مسندیگنزه
 کلک . شو ایکیان کولکلی طوردیرک شو آغلیان
 کوزلری دیکدیرک .

﴿ مختار بك ﴾

ایکی ییلدر خلقك بوقدر فریادینی ایشیده مدم .
 کندی باشمه بر بلا کلینجه مملکتده ظامک وجودینی
 حس ایده مدم . بنی ریاسته نصل لایق کوریورسگنز .

(حاکم)

حالنده کی غیرت دائما کچمش قصورینی ستر ایدر .
 هایدی بکم ! هرکسك امیدى سزده قالدی . پادشاهك
 صداقتدن . خدمتدن آیرلیه جفگزه بریمین ایدك .

« مختار بك »

الله صاغ اولدجه آیرلم (کندی کنسینه) آه !
 یارینه قدر .. یاریندن صکره کیم یشایه جق ! ..

﴿ حاکم ﴾

بك ! دولتك ملتك خدمتدن کیری طور مز .
 بزبورایه کلدی کمز مقصدی دوشنه لم . بکلر ! نه حالده یز .
 حاضر می یز ؟

(شمس الدین بك)

جناب حق معین اولسون . تدیرده الدن کلان یاپلدی .
 بندکنز بهرام بکله برابر بر بشیوز کشی تدارك ایتدك .
 هپسه - نی برر ایکشر بیوک خانک اطرافنده کی حولیلره .
 دکانلره یرلشدردك .

(مختار بك)

اوراده آدمک نه لزومی وار ؟

﴿ شمس الدين بك ﴾

نصل نه لزومی وار ؟ خاندہ کی سکبانلری کیم ضبط

ایدہ جک .

« حاکم »

سکبانلر ذوالفقار اغانک معینده دکلی ؟

﴿ ذوالفقار ﴾

آنلر قره ولینک طاقیدر ؟ کندی کبردی حالا بر اقلده
یعنی اصول یشایور . کوپکلره بردرلو امنیت جائز اوله مز .

(حاکم)

خیری بک ! سزنه یاپدیکنز اوغلم .

(خیری بک)

بن قورشون طبیعتلی بر آدم . پرمدن زورله
چیقارم . فقط بر کره چیققدنصکره کیده جکم یره
چاپک واریرم . اوچ کونده بیک قدر آدم طوپلادم .
ایکی یوز کشیده سنان بکک وار . قوناغی . زندانی
چارشویی . بازاری بزدن استیکز . بر فقیرک قلنه خطا
کلیرسه یرینه کلهم طورییور .

(زینل بک)

بکم ! بنده و ذوالفقار اغاده اوچ بیک سلاح وار .
اوکزه دوش . حاکم افندی ییده برابر آل . جانواری برابر
باصهلم .

﴿ ذوالفقار ﴾

ذاتاً قوناقدہ نہ قدر آدم وارسہ ایشی بیلیر .
 ہبسی حاضر در . کوکندی کمز بر قاچ یکی تله کیدر
 صلا نیرز . ملعونی المزدن کی مسہ قور تارہ مز . بک
 اصلی قوناغک ہر بوجاغنی بیلیر .
 (مختار بک)

هانکی قوناغک ؟

(ذوالفقار)

ایشته طو تولدیغکز قوناغک

[مختار بک]

نصل طو تولدیغ قوناغک ؟

« زینل بک »

بکم ! . . . ہر کیجہ ساعت التی یدی صولر ندہ
 حریف عصمت خانمک یانہ کیدیور . اورادہ طوپلانہ جغز

﴿ مختار بک ﴾

(شاشقین شاشقن)

یا ! . . . ہر کیجہ اورایہ کیدیور ! . . . ہر
 کیجہ اویلہ می ؟ اورادہ باصہ جغز . . . اورادہ می طوتہ جغز
 ؟ اورادہ طوتہ جغز اویلہ می ؟ بن . . . کیرہ میہ جکم . بن
 اوراہہ کیرہ م . بن اورایہ کیتتم .

« حاکم »

بك ! او نصل لقردى ؟ دولت كزه . مملكتكزه
صداقت ايچون اينديگنيز يمى نه وقت اونوتديكنز ؟
« ذوالفقار »

بك افدى اويابه برمينده جاتى حبسدن قورتاردىنى
زمان ايتشىدى ؟

(مخار بك)

سن صوص ! جلاد . قپلان پاشا اياه اشكنجه
يادسته مى چيقدك ؟ بن اورايه كيدرسم نه لر . كوريم .
نه بلالره اوغرام . پياميورميسك ؟ يشايه م . چلديرم .
اوگه كيم راست كليرسه باره لامغه قالقشيم . مقصيده .
سزیده برباد ايدرم . دوشونميورميسك ؟

ذوالفقار (يانه ياقلمشهرق محرمانه)

سز ظاهر اوراده كوره جككز شيلرى بورادن
دوشونه مزسكز ، او هر كچه كيديور . عصمتك
صاچلرينه بورونبور . سز بوراده قره طوپراقلرده
يوارلنيورسكز . عصمت هر كچه قوللرينى آنك بوينونه
آتيور . بيك درلو ناز و نيازله اكلندرييور . سز حياته .
دنياه لغت ايدرك كندى اليكزله كنديكزى بوزمغه
چالشيورسكز . سز انتقامى بويابه مى آيرسكز ؟

« مختار بك »

(كمال حدتاه)

انتقام استه م . بن انتقام آله جفم ديه عصمتك يوزيني
 كوره م . بن انتقام آله جفم ديه او ييلانك يوه سنه
 كيره م . بن انتقام آله جفم ديه بويله برجانلى فلاكتك
 يوزينه باقه م . اكلادكى ؟

« زينل بك »

بگم عصمتدن نه استيورسك ؟

(مختار بك)

سن ديوانه ميسك . يوقسه دنياده نه اوليور . نه
 كچور خبركى يوق ؟

﴿ زينل بك ﴾

قز وفاتكزى ايشتىدى ايكي كون كسندى اولدرمكه
 چالشدى . كل نهال بتون دائره سنده كى جاريه لر بك درد
 ايله . بك بلا ايله او كنى آله بيلديلر . بيچاره اقشاملرى
 بايقوش كى عميرنى بو مزارلقده كچرييور . كوزينك
 ياشندن يوزنده كى رنگلر سيلندى . چهره سى ياغور
 آلتنده چوريمش زنبق پاراغنه بكنزييور . بزدن مرد
 اولدى . كيجهلرى قپلانك قارشوسنده طور ييور .
 جكرينى ازييور . هر كسه ايتديكى اذيتلر ك برر برر
 آجيسنى چيقارييور . يشايور ايسه يالكوز سرك انتقامكزى

آلق ایچون یشایور . اولان کچن شیر بونلز دکلی ؟
بیچاره دن بوقاحتلری ایچونمی او قدرشکایت ایدیورسن ؟

(مختار بك)

آه ! ... سیده می آلدادی . اویله نور کبی بر
آغز دن چیقان سوزلری کیم یالان ظن ایدر ؟

(شمس الدین بك)

بك ! عصمت سود همشیره اولدیغنی اونوتدیکیمز می
والدهمه اینانمز میسکنز ؟ حالی اوسویلیور . زینل بك
سویلدیکی لقر دیلری بدن ایشتمدی . بنده والدمدن
ایشتم . اون التی یاشنده بر قز سود والدهسنی آلداتمق
ایچون فرصت بولدقجه کندینی پنجره دن آتمغه چالیشر .
الی دکدکجه صاحلرینی یولار .. یوزینی طرمه لار . کونده
یکرمی ایکی ساعت آغلار . ایکی ساعت اویومز . بایلیتم
چلدیرر . تتر . دوکونور . مک یمز . کیمسه یه بر لقردی
سویلمز . قیلان پاشانک هر قهرینه . هر ازیتنه قاتلیر .
یانته هر کلدکجه اولومنی آرار بر جانواری اویوز کوپکدن
زیاده تحقیر ایدر . اویله می ؟

(مختار بك)

قرداشم ! کوکله عجایب بر طاقم حاجانلر کلیور .
دنیا کوزمک اوکنده اوینایور . صانکه وجودمک هر
اجزاسی آری آری دکشیور . چلدیرر سهم مطلق

سونجمندر . سويلديكك سوزلك مطلق طوغرى

اولديغنه امين ميسن ؟

حاکم (مختار بکه يا قاشه رق کندی کندينه)

بيچاره قزى سويور ؟

« ذوالفقار »

شمدى حاکم افدى به برتأمينات دها ويره جك ده .

ابشك بتون بتون التى اوستنه كله جك .

﴿ حاکم ﴾

بكلرك سويلديكى صحیحدر . امين اولك پاشا بش

دفعه در بنى نکاح ايجون چاغردیور . خانم قیامتاری

قوباریور . بردرلو رضا ویرمیور .

(مختار بك)

آه ! بن دیوانه ایتم که عصمت کبی بر وفا کرده

خیانت تصور ایتدم . بن نه ظالم ایتم که عصمت ایاقلریمه

قاندیده یرك دینه کچمدم . بیچاره به عقابه فکره کلیه جك

حقار تله قالقشدم . بورایه کلدی بنله برابر مزاره کیرمک

استردی یا نمدن قوغه جق قدر ادب سزلك . قاتی یورکایلك

کوستردم .

آه ! قان ایستمیور میسکنز ؟ ظالم اولدیر میه جک میسکنز ؟

ایشته بن ... بنم طمر لر مده قان وار . بوخیالار کو کلدن

کوز یاشیله سیلنمز ... اورک کو کسمه اورک ... قان

استرقان ... کندی قامدن کندی قامدن . (اغلهرق
بیقیلیر)

(ذوالفقار)

والسلام ! بزمامکت قورتاردهجق ارکک ارایورز بک
اناسندن یکی آیراش کلین کبی آغلاپور .
مختار بک (کندی نی طوپلایه رق)
طورك ! ... حالمه کولمیک . یورده کده کی درد لر قوته
غلبه ایدیور . بن شمدی کندی طوپلارم . آه ! اون
یش کوندر نهر چکدی کمی بیلمز سکز . هیچ اک سود .
دیگکز آدمدن خیانت کوردیککز وارمی ؟
آه ! عصمت حالا بنم ایش ... حالا بنی سویورمش ..
اوبنم ایچون یشایورمشده بن ینه اولمکه جالیشورم .
نه استیورسکز ؟ مامکتی قورتارمق دکلی ؟ ظلمک
پنچه سنی بتون دنیا به صارسه چکوب قورتارمغه کندمه
اقتدار کوریورم . بویولده جانمی کیده جک وارسون
عمرم ابدی فدا اولسون . نه وقت کیده جکز ؟ نه وقت
دنیا یی اویله بلادن . مصیبتلره یرادلمش برجانواردن
قورتاردهجغز ؟ ...

(کندی کندی نه)

اونه ! عصمتی غیب ایتدی عمرنده مایوس اولدی
انتقام دیمینجه یردن اوینامدی . شمدی عصمت کندی بک

اولدیغنی بلور . نه قدر سعادتلر ایچنده یشایه جغنی بلیورده
اولومی کوزینه آلیور . اکلایه جغم طیعتلردن دکل .

﴿ زینل ﴾

قرارمز ساعت سکزده ایدی .

(حاکم)

فقط ینه اراده گزیه باقار هپمزده سزه اطاعتاه
مأمورز شاید او وقته قدر راحتسزلگگنز کچمزسه ؟

﴿ مختار بك ﴾

راحتسزلگمی ! دینکی ضعفمه باقیورسگزده بکامی
گوکنمیورسگنز ؟ ایچمه بر قاج طماه زهر واردی .
اغلام اوده گوزلرمدن دوکلدی گوکلک هر گوشه سنده
بر ارسلان غیرتی یاتیور ساعت سکزده قدر نه
بکلیه جکسگنز ؟ یر یوزی دهاسگنز ساعت اویله بر
ماعونک آغرلغنی چکسون ؟ .

« حاکم »

بز دوشوندک دوشوندک اوزرینه وارمتی ایچون
اورادن مناسب بر یر بولهمدق . قوناقدہ باصهق سلاح
چکیاهجک . بو قدر مبارک بر مقصده قان لکهمی
یولاشه جتی . خینده ساعت سکزدن اول کیتمیور .

(مختار بك)

او وقت اولسون . هایدی بر قاج ساعت ده

بکایدلم . کلک ... اطرافه کلک که سزه گوکلی آچیم .
 فکرمی گوسترهیم . بو ملعونک ظلمنی بن بر آجی
 تجربه ایله آکلادم . الیدن سودیکمی المتی استدی .
 هانگیگزه صورلسه کیمگز قرداشگیزک قاتی کیمگز
 همشیره گیزک عرضی کیمگز پدريگیزک مالنی دعوا
 ایدرسگیز . بو کوپک نصل بتم مشوقمه سنک قرداشکه
 اوته کینک همشیره سنه بریکینک میرانه مسلط اوله یلمش؟
 همیز کندمزه طوقنجه ظلمک تأییرنی . سرایتنی
 خاطره گتیردیگمز ایچون دکلی؟ بر آزده گوکلزده کی
 انفیالاتی بر طرفه براقلم . ظلم آتشی مملکتلر یاقش .
 دومانی فقرانک آهندن طاغایور . مظلوم قانندن سیلار
 پیدا اولمش سورهرک کتیردیکی طاشلر شو مزارقلاری
 تزین ایدیور اطرافزده . بیک طول بیک یتیم اغلیور
 بیک والده بیک پدر اولادینک بیک اولاد والدهسنک
 پدريک ماتنی طوتیور . بیک بیچاره نک عرضی شکست
 اولمش بری یاشنی قالدیروبده کیمسه نک یوزینه باقه میور .
 بیک چالیشقان چفتجی آجلقدن اولیور . بیک غیرتلی
 عاجز چوجوق صخوقدن طونیور . شهرلر یانلرنده کی
 قبرستانه نسبت بکچی کلبه سی قدر قالمش . زندانلر ایچنده
 بولندقلاری شهرلره نسبت آیده کی قرالتی قدر طور ییور .
 هرکس حیران . هرکس عاجز . کیمسه نه یاپه جغنی

بہ میور . کیمسہ اوزرینہ کلان قضا قورشونک نہ
طرفدن آتدیغنی کورمیور . کیمی الٰہ حقلی بر ایش
ایچون اعدام اولنیور . کیمی الٰہ ظالم بر خیانت ایچون
مکافات کورمیور . بر آدم بر مملکتده الٰہک عدالتنی
تعطیل ایتک استیور . بر آدم بر خالقک اوزرندن حقک
رحمتنی . عمرک سعادتنی قالدیرمغه چالیشیور .

بونلری خیلمزہ آلم . بومصیتارک دفعنه چالیشلم .
الله ایچون پادشاه ایچون دولت ایچون مملکت ایچون
اوغراشللم . اوزمان کوررزکہ بوراده آغلایان . ایکلیان
بالکیز او ظالم قالیر . ظالمک وجودنی قالدیرمغه پادشاه
طرفندن مأمورسکز . سزده فرمان پادشاهی کبی قانتی
مباح ایدہجک سند خیلٹک مضرتنی دفع ایتک ایچون
قوت وار . سزده سیف شریعت کبی اوزرینہ حوالہ
اولک . ملعونک النندن قورتلتی ایچون انسان . عامہ
فریاد ایدیور ، سزده غضب عامہ کبی وجودنی برک
دینہ کچیرک . قورقیک بر ظالم آژدر اولسہ بر مملکتہ
غاب کلہ مز . اوستنہ یورویک کہ دائما الٰہک اعانہسنی .
دولتک ہمتنی آردکزده پادشاہک بکونکی مأمورینی
اوککیز بولورسکز .

« ذوالفقار »

ایشتہ ہرد اولانک آغزینہ بویاہ سوزلر یاقیشور .

﴿ زینل ﴾

ایشته بز بویه سنجاق بکنه اطاعت ایتمک استرز .

(حاکم)

ایشته عدل الهی نامنه بوگون سزردن بو خدمتی .
 بو صداقتی . بو جسارتی بکیوروز . بکمر ! اعضالر !
 بوندن صکره بگمژک بر امرینه . بر سوزینه کیم اطاعت
 ایتمزه الله . پادشاهه عصیان ایتمش اولور .
 اطاعت ایچون یمین ایدرمیسکز ؟

(عوم)

همز همز یمین ایدرز .

﴿ حاکم ﴾

پادشاهز طرفدن قیلان پاشانک دفعنه . مملکتک
 ادارهسنه . شریعتک احکامنی اجراییه . بیت المالك
 صیانتیه هر کسک حیاتی . مالی محافظه یه مأمور اولان
 شوبک حقه مطابقی نه امر ایدرسه ولو کفندی
 منفعتکزه مغایر اولسون اطاعت ایده جگکز چالشدیفمز
 ایشته بر خیانت ایتمه جگکز و اللهمی ؟

(عوم)

والله .

« حاکم »

باللهمی ؟

(عموم)

بآلہ .

« حاکم »

نالہمی ؟

﴿ عموم ﴾

تالہ .

(حاکم)

بمبندہ طور میان ملعوندر . جناب حقک سیف
انتقامنہ او غرار .

﴿ زینل بک ﴾

دوش او کمزہ بگم . بیورک افندی . هایدی
ذوالفقار . بکلر قراری اونوتیمک یریکزدن ایرلیک .
ظالم الہ کچدیکی گبی قیونک اوگندن فشک اته جغز .
اشارت اودر .

« مختار بک »

احتیاطلی طور انلسون . بر کوچک خط بر بیوک
مقصدی بتیر بر قوجه سنجانی بائرر (کندی کندینہ)
الہم سکا نہ لسانہ شکر ایدہیم ! ہم بن بختیار اولیورم
ہم مملکت .

(پردہ اینر)

بشنجی فصل

(برمزین اوپله)

کیجه

—

برنجی مجلس

﴿ یادگار ﴾

(یالگنز کندی کنزینه)

بو پاشا بکار خانلرده نیچون اویقوی سومزلر
یامم که یالگنز کندینری سومسه ضرری یوق .
سونلرده قاریشیرلر . (اسنیهرك) ساعت بش . دون
کیجه اون برده یاتم . اونبره قدر پاشا ایله خاتک جنکئی
دیكلهدك . قپولرینك اوگنده بکاملی امش ! صانکه
بن اویوسم خورلرده سسلرینی می باصدیررم . خانمده
دلیمدر نهدر ؟ ابتدا نشانلانیده شمدی نشانایسنه
وارمیور . بکنمیورمش اوبری دها کوزلمش . هیچ
ارککک کوزلمی اولور ! انسان بویلرندن اللرندن قورقار .
غول یانی یاوریمی قدر بر مخلوق یا او یوزلرنده کی قیالر
نهدر ! ادم دکل آچی ازمانی صانکه هانکیسنك نهدسنی

كوزل بوله حق ! اوده ارلك بوده . پاشانك باری
 دبدبه سی . دولتی وار . هرکس خانمك اتکنی او په چك .
 آنی استمیورده کندی بر حریفك ایاغنی او په گه جان
 آتیور . امان هیچ اولمش آدمده سویلرمی ایش .
 (اسنیهرك و یصدیغه طیانهرق) آنی سوه چکنه اویقوی
 سوه چکنه اویقوی سوسه ایدی نه اولوردی صانکه ...

ایکینچی مجلس

یادگار . مختار بك . ذوالفقاز اغا . زینل بك

حاکم . براق ارناود .

« مختار بك »

(شدتاه یادگارك قولنی طوتهرك)

۱

قادین ؟

﴿ یادگار ﴾

آ ! ! ... هانی سز اولدیکزیا !

(مختار بك)

ایچه دیکله . سیمی مزاردن کایور کبی دیکله .
 اغزمدن چقان لقردیلمی سکا اولوم سویلیور . برینه
 یاکلش جواب ویرسهك برینی صاغ اولدجه کیمسه یه
 سویلرسهك برینی . بر حرفنی سویلرسهك اکلادکمی ؟
 اودقیقه کندینی یوق بیل اودقیقه عزرائیل کوکسنده در .

(یادکار)

بنی یا کاش جواب ویره جکم . الله کوسترمسون
بنی کیمسه یه سویلیه جکم . ایشته (النی اغزینه طوته رق)
هوب .

(مختار بك)

پاشا بوکیجه قاچده کله جک ؟

﴿ یادکار ﴾

بوکیجه یی بیلیم هرکیجه یدی ایله طقوز اراسندم
کایور .

﴿ مختار بك ﴾

کلدیکی وقت نروده اوطورر ؟

(یادکار)

بوراده .

« مختار بك »

دائما بوراده می ؟

﴿ یادکار ﴾

هرکیجه بوراده .

(مختار بك)

اوطه ده کیمسه اوطور بیورمی ؟

« یادکار »

خیر .

﴿ مختار بك ﴾

(حاكم افدى اياه زينل بگه)

سز چيڪ ظالم كلديكي كبي قوناغك هر طرفي ايچه
 صارلسون . باغچه ده كي آدميره تنيه ايدك پنجره دن
 طبانجه سسي ايشتكاري كبي هپسني بردن اولي ديري
 اله كچيرسنلر . بريني براقسنلر . قاجر مسنلر . (برار نبوده)
 بن قودن چيقديغ كبي پنجره لردن طبانجه يي سن
 آنه جقسن . (يادكاره) ديلكله قاشكله . كوزكله كيمسه يه
 بر اشارت اكلاتميدجقسن . جانك بوسرك آلتندمدور
 آغزندن برلقردي چيقارسه اوده برابر چيقار .

(يادكار)

نهمه لازمده آغز مي آچيم . كيمه مژده ويره جكم ؟
 (جمله سي اوطه يه . كبر لر)

اوچنجي مجلس

يادكار (يالگوز)

يارب سن بيليرسن ! . آدم برشي بيليرده سويلزمي ؟
 سويليه جك ؟ اولدقن صكره بيلديكي نه يه يرار ؟ ..
 سويلكمي ايشم يوق ظاهر كبرمكي آرايوردم .

دردنجی مجلس

یادگار . عصمت خانم .. صکره کل نہال عصمت .
(غایت شاشقین غایت پریشان بر حالده) کندی کندی
نہ سویلیوب طور یور ؟

﴿ یادگار ﴾

بن ... بنی ؟ هیچ بر شی سویلدم . خستہ یم .
ہپ تو یلرم اور پریور . یاتہ جنم اذن ویررسہ گز . صانکہ
غالبا صتمہ طوتیور . صقین او یورکن صایقارسم
اینایمیک . بن صایقلارکن ہپ یلان سویلرم . بن بر شی
گورمدم . بن بر شی طویدم . بن بر شی سویلدم .
بر شی سویلیوگی سزده ایشیدیکز ؟

« عصمت »

ہایدی شورادن جہنم اول . دلی دلی سویلیوب
طورمہ .

(یادگار)

خانم جنم ! بن بر شی سویلیوری یم ؟ (یادگار)
چیقارکن کل نہال قپودن گیرر)
عصمت (کل نہالہ)

آہ ! نہ یوزیکزدن مسرت آقیور . یارب شو
قادینی گورنجه یہ قدر نفرت ایدیورم . صانکہ پاشو

خاتمک روحی بونک قلبنه کیرمش پاشا کله جک بن بر
 اولوم دها کچیره جگم . وجودم بر کره دها اجل تر لرئ
 دوکه جک بو مسرت انک ایچون دکلی ؟ یوقسه ینه
 ذوالفقار اغایی می گوردیگنر ؟

(کل نهال)

چوجق الهی سورسهک بکا اوله شی سویله .

« عصمت »

اوخ ! ... باری بو گیجه سندن بر انتقام الهیم .
 بکک روحی بولندیغی یرده کینم بیایر نه درلو آتشاره
 یاتیور . سنک بینک ذوالفقارله طولمش . اوته کنی
 رؤیا کده بیاه گورمیورسون . ان شاء الله نه دنیاده
 بوکا قاوشورسن نه آخرتده او سنی قبول ایدر . بنم
 اللهم عادلدر . سن سبب اولدک بگمی المذن الدک او بکا
 گوندزیور مزارینک اوستنده گوستریور ؟

﴿ کل نهال ﴾

نه وقت کوردک ؟ آه ! یارب نه تدبیرمز وارسه
 بر باد اوله جق .

[عصمت]

(کل نهالک یوزینه باقهرق براز دوشوندکدنصکره
 اویقودن اویانور کبی وزیاده شدتله) قادین بکم صاغ
 اوله می ؟ . . . آه نیچون ذهنمه بوخیالی دوشوردک .

نه قدر جسم . نه قدر حیاتم وارسه . گو گلده کی
امیدك اوستنه طوپلاندى . امیدلرم كیدرسه بر
دقیقه بشامیه جغم . دشمن سوبینه جك .

﴿ كل نهال ﴾

قزم الله عشقنه كندیكى طوپله .

[عصمت]

سویاه ! بكم صاغمی دیورم ؟ سن صوصدقجه
صاغ دكل كبی کلیور . صانکه دقیقه ده بر کره کوزمك
اوکیده اولیور . بنده دلیم بو کون کوزمله کوردم
هیچ آخرته کیدن کیری کلیرمی ؟ لقر دیسنی ایشتم هیچ
خیالات سوز سویلرمی ؟ ینه بو سرحمتسزدن خبر
صوریورم . آه ! شمدی شمدی مزارینه گیدرم . دنیایی
دنیایی طولاشیرم . زرده ایسه بولورم .

﴿ كل نهال ﴾

قزم بلك باشی ایچون ایتمه . ینه زواللینی مخاطرده
براقه جقسن .

(عصمت)

آه ! سویلدك . اغزكله سویلدك . بلك صاغ
اولدیغنی سنده ییلورسن . بیایورسنکه نبی پاشانك
یتاغنه ویرمك ایچونمی شمدی یه قدر صاقلدك ؟ بوقسه
کدرله اولدیروبده ایتمی می یب جكدك ؟ نبی کندکمی

قیاس ایتدک ! طویراق بگمک وُجودینی اورتمککله
 گوکلدهکی حیایتده اورترمی صاندک اوف !... گوکل نه
 دیمکش آکلادک آ؟ انسان نصل اولورمش کوردک آ؟
 اشته باشانک هر کون جگرندن درهم درهم یاغ
 اریدیورم. ایشه سنک نه خان. نه ظالم اولدیغنی گریبه
 گریبه یوزینه قارشى سویلیورم .

(کل نہال)

چوجق یوره کم طاولدی ارتق چاتلایه جق . ارتق
 ایچنده نه وارسه میدانه دوکه جک . بکک صاغ الله بریسنک
 آحیسنی کوسترمسون . صاغ اما بن قورتاردم . ذوالفقارک
 الیه قورتاردم . ذوالفقار بوخدمته مکافات بنی ایستدی .
 سکا خبر ویرمامکی شرط ایتدی . برینه مسوز آلدی
 برینه یمین ایتدیردی . آه ! بنده بر بکم واردی بلیرسن که
 اون بش یلدر خیالنه طاپنورم .

خیالی دنیا ده هرشیدن عزیز بیلردم . انیده ایغمک
 الله الدم . کندمی . کاشکی کندمی اولسه کوکلی فدا
 ایتدم . سکا بککی قورتاردم کوزمک اوکنده سنک نصل
 هلاک اولدیغنی کوردم . سنی او حالرده کوردکچه چکدیکم
 اذیتلردن جانم وجودمدن نفرت ایتدی . ینه بر کره اغز می
 اچوبده سکا شکایت ایتدم . بن سنک ایچون دنیا ده هر
 نه یه اولسه قاتلانوردم . هر نه یه مالکسه م فدا ایدیورم .

دوشونسمه اویاه بر جانواری آغلانہ جتی قدر محزون
اولمزیم ؟

بشنجی مجلس

عصمت . کل نہال . یادگار .

﴿ یادگار ﴾

(اسنیہ رک)

پاشا کلیور . بر آز اویومشیم . عجباً صایقلادمی ؟ بن

برشی سویلدم . سویلدسمه والله یالاندر .

« کل نہال »

بو قاریده چلدیردجمی ندر ؟ یقیل اورادن !

(یادگار چیقار عصمتہ) آمان قزم صاچارینی طوپاہ .

آل شو چارشی آرقدهکہ . آمان حالیکہ اییجه دقت ایله

حریفک یوزینه صیق صیق بائہ .

التنجی مجلس

اولکیر . قیلان پاشا .

(قیلان پاشا)

(اتگنه طوغری کیدن عصمتہ)

آه ! دائما اتگمه کایر طوررسگنز . یریگنز اورایی